

外科樞要卷三四

薛氏醫酉按

外科樞要卷之三

薛氏醫按

吳郡薛 已著

新都吳玄 有校

腎癰男婦全用

腎膀胱經部分也居小腹之後此陰中之陰其道遠其位僻雖  
太陽多血氣運難及血亦罕到中年後尤慮此患治者毋傷脾  
胃毋損氣血但當固根本為主若癰硬作痛者形氣虛而邪氣  
實也用托裏消毒散主之微癰微痛者形氣病氣俱虛也用托  
裏散補之欲作膿用托裏羗活湯若痛甚用仙方活命飲大勢  
既退亦用托裏消毒散若脾虛不能消散或不潰不斂者六君  
子加芎歸黃芪若陰虛不能消散或作渴便淋者六味丸加五  
味子若陽虛不能潰或膿清不能斂者用補中益氣湯氣血俱

虛者十全大補湯若瘰硬未成膿者用隔蒜灸活命飲潰後豆  
豉餅補中益氣十全大補二湯若灸後大勢已退餘毒未消頻  
用葱熨以補其氣以消餘毒爲善

治驗

巡撫陳和峯脾胃不健常服消導之劑左腿股及臀患瘰余曰  
此脾氣虛而下注非瘡毒也當用補中益氣倍加白朮彼惑於  
衆論云白朮能潰膿乃專以散瘰消毒爲主而瘰益甚體益倦  
余用白朮一味煎飲而消

儒者楊啓元左臀患此敷貼涼藥腫徹內股服連翹消毒散左  
體皆痛余以爲足三陰虧損用補中益氣湯以補脾肺用六味  
丸加五味以補肝腎股內消而臀間潰又用十全大補湯而瘰  
口斂

一儒者腫焮痛甚此邪毒壅滯用活命飲隔蒜灸而消後因飲食勞倦腫痛仍作寒熱頭疼此元氣虛而未能復也與補中益氣湯頻用葱熨法兩月而愈

一男子漫腫而色不變脈滑數而無力膿將成矣余用托裏而欲針彼畏針而欲內消誤用攻伐之藥頓加惡寒發熱自汗等症余用十全大補湯數劑腫起色赤仍外針內補而愈

崑庠吳輔之父患此內潰腫脹發熱口乾飲食少思此脾胃虛弱也先用六君加芎歸芪數劑而潰又用十全大補湯倍加參芪五十餘劑而愈

南濠沈克章子年三十脈如屋漏雀啄腫硬色夭膿水清稀誤服敗毒之藥余曰此足三陰虧損而藥復傷也余用六君加歸芪附子一錢二劑腫潰色赤又減附子五分數劑元氣復而愈

一男子硬痛發熱此膀胱氣虛而濕熱壅滯用內托羌活湯二劑熱痛悉退後用托裏消毒散而潰又用托裏散四十餘劑而平湖袁上舍患痔外敷寒涼內服消毒攻潰於臀膿水清稀脈洪大而數寒熱作渴余辭不治後果歿此足三陰虧損之症失滋化源以致真氣益虛邪氣愈甚矣不死何俟

囊癰二

謂陰囊患癰

囊癰屬肝腎二經陰虛濕熱下注若小便瀯滯者先分利以泄其毒繼補陰以令其自消若濕熱退而仍癰痛宜補陰托裏以速其膿膿焮而便秘者熱毒壅閉也先用托裏消毒散後用針以泄之膿去卽解若膿去而癰痛不減者熱毒未解也用清肝養榮湯口乾而小便數者腎經虛熱也六味丸內熱晡熱者肝經血虛也四物加參朮體倦食少者脾氣虛熱也補中益氣湯

膜水清稀者氣血俱虛也十全大補湯此症雖大潰而舉九懸  
露治得其法旬日肉漸生而愈若專攻其瘡陰道益虛則癰者  
不能潰潰者不能斂少壯者多成痼疾老弱者多致不起亦有  
患痔漏久而串及於囊者當兼治其痔切忌寒藥剋伐虧損胃氣

### 治驗

給事陸貞山癰赤脹痛小便瀉滯寒熱作渴此肝腎陰虛濕熱  
下注也當清肝火除濕毒遂用柴胡炒龍膽吳茱萸炒黃連當  
歸銀花皂角刺赤芍藥防風木通甘草節一劑癰痛漸退少加  
防風木通川芎茯苓作飲下滋腎丸以補陰其熱癰俱退但內  
有一條筋不消此肝經血氣虛損也當滋腎水用六味丸料去  
茯苓加五味二劑再用補中益氣加茯苓作飲送滋腎丸筋頓  
消而愈

京兆朱二峰陰囊脹痛彼以爲疝余診其脉數而滑此囊癰也  
因肝腎二經陰虛濕熱所致膿已成矣服活命飲一劑而潰與  
用補陰托裏而斂

知州王汝道先晡熱發熱肢體倦怠入房則腿足酸軟足心熱  
至腿膝六脉洪數兩尺爲甚余以足三陰虛欲滋補化源彼反  
服苦寒降火之劑後陰囊腫脹用治疝之藥腫脹益甚形氣愈  
虛服溫補之劑腫痛上攻小便不利兩尺脉洪滑按之虛甚余  
曰此囊癰也因氣血虛而不能潰凡用補中益氣湯加山藥山  
菜萸車前子柴胡山梔一劑腫脹頓消隨用六味丸料加車前  
牛膝柴胡山梔一劑小便漸通乃用活命飲與前二藥消息兼  
用至二十餘劑囊裂出穢膿甚多乃用托裏消毒散六劑膿穢  
清又用托裏散數劑膿水漸少更用補陰托裏散及十全大補

五十餘劑而痊

儒者陳時用考試不利一夕飲燒酒入房妻不納翌日陰囊腫脹焮痛遣人求治余以除濕熱清肝火之劑城門夜閉不及歸服翌早報云夜來陰囊悉府玉莖下面貼囊者亦腐此肝火挾酒毒而濕熱熾盛也仍以前藥加參芪歸木四劑腐肉盡脫翌丸懸掛用大補氣血并塗當歸膏囊莖全復而愈

一膏梁之客陰囊腫脹小便不利此中焦積熱乘虛下注先用龍膽瀉肝湯加黃柏知母黃連牛膝四劑漸愈後用補陰八珍湯加柴胡山梔而愈後不守禁忌前症復作仍用補陰八珍湯補中益氣湯六味丸而痊又因勞發熱自用四物黃柏知母之類虛症悉具瘡口開大余謂五臟氣血俱虛也朝用補中益氣丸用六君子加當歸各五十餘劑瘡口漸斂又用六味丸調補



全愈

府庠李達卿素腎虛發熱久服黃柏知母之類形體漸瘦遺精白濁晡熱唾痰余曰此腎水虧損虛火內熾用補中益氣之類加五味麥門前症將愈又別用清熱涼血之劑飲食少思唾痰不止余以爲脾肺復虛不能攝涎歸源仍用前湯加茯苓半夏而愈後入房頭暈吐痰腰骨作痛大小便道牽痛余曰此精已耗而復竭所致危殆之症也遂朝用前湯加麥門五味夕用六味丸料加五味子革薺五十餘貼諸症頓退後又入房陰囊陰莖作痛別用淡滲之劑陰囊內潰余用補陰托裏之劑出膿甚多喜瘡消痛止竟不善調養以致大便不通小便如淋痰涎上湧余曰腎虛之症復作矣誠爲可慮有保其可生者用礞石滾痰丸牛黃清心丸之類吐痰愈加余曰非惟無以保其生而反

促其危矣固辭不治後果歿

一男子醉而入房陰囊腫脹大如斗小腹脹悶小水淋赤發熱口乾痰涎壅甚此膀胱陰虛酒毒所乘也用六味丸料加車前牛膝作飲下滋腎丸諸症頓退再加五味麥門二劑而愈却以補中益氣加麥門五味調理而康若用淡滲後損真陰決致不起

### 懸癰三

懸癰謂瘡生於玉莖之後穀道之前屬足三陰虧損之症輕則爲漏瀝盡氣血而亡重則內潰而卽殞若初起濕熱壅滯未成膿而作痛或小便澇滯用龍膽瀉肝湯癰焮痛甚仙方活命飲並製甘草佐之如此雖患亦輕雖積亦淺若不能成膿或膿成不潰者八珍湯補之若膿已成者急針之欲其生肌收斂腎虛者六味地黃丸血虛者四物加參朮氣虛者四君加芎歸脾

虛者補中益氣湯氣血俱虛者八珍湯并十全大補湯若用寒涼消毒則誤矣

治驗

尚寶鮑希傳足發熱服四物黃柏知母之類年餘患囊癰唾痰作渴飲湯其熱至膝更加芩連二陳熱痰益甚謂余曰何也余曰此是三陰虧損水泛爲痰寒涼之劑傷胃而甚耳遂先用補中益氣夕用六味丸間佐以當歸補血湯半載乃愈

趙州守患此症瘧多作痛五月餘矣晡熱口乾盜汗食少體倦氣短脉浮數而無力此是三陰氣血虧損用補中益氣加製甘草五味麥門三十餘劑食進勢緩又用六味丸料五十餘劑膿潰瘡斂後因膿作痛少食脇痛發熱仍用前藥賴其稟實頓疾而愈

通府張敬之患前症久不愈曰晡熱甚作渴煩喘或用四物湯黃柏知母之類前症益甚肢體倦少食大便不實小便頻數謂余曰何也余曰此脾虛之症前藥復傷而然余遂用補中益氣加茯苓半夏數劑飲食漸進前症漸愈更加麥門五味調理乃痊經云脾屬太陰爲陰土而生血故東垣先生云脾虛元氣下陷發熱煩渴肢體倦怠等症用補中益氣湯以升補陽氣而生陰血若誤認爲腎虛輒用四物黃柏知母之類反傷脾胃生氣是虛其虛矣况黃柏知母乃瀉陽損陰之劑若非膀胱陽火盛而不能生陰水以致發熱者不可用也

一儒者患此服坎離丸及四物黃柏知母之類不應脉浮洪按之細微余以爲足三陰虛用托裏散及補陰托裏散漸愈又用六味丸補中益氣易調補化源半載而痊大凡瘡瘍等症若賢

經陽氣亢盛致陰水不能化生而患陰虛發熱者宜用坎離丸  
取其若寒能瀉水中之火令陽氣衰而水自生若陽氣衰弱致  
陰水不能化生而患陰虛發熱者宜用六味丸取其酸溫能生  
火中之水使陽氣旺則陰自生况此症屬腎經精氣虧損而患  
者十有八九屬腎經陽氣亢盛而患者十無一二然江南之人  
患之多屬脾經陰血虧損元氣下陷須用補中益氣湯升補陽  
氣使陽生而陰長若嗜慾過多虧損真水者宜用六味丸補腎  
經元氣以生精血仍用補中益氣湯以培脾肺之生氣而滋腎  
水經云陰虛者脾虛也但多誤以爲腎經火症用黃柏知母之  
類復傷脾肺絕其化源反致不起惜哉

上舍劉克新潰後作痛發熱口乾小便赤濇自用清熱消毒之  
藥不應左尺洪數余以爲陽氣盛而陰氣虛也先用四物湯加

黃柏知母等諸劑瀉其陽氣使陰自生服數劑諸症漸愈後用補中益氣湯六味地黃丸補脾肺滋腎水而瘡口愈

一儒者小便赤澀勞則足軟痲痛發熱口乾舌燥食少體倦日晡益甚此氣血虛而未能潰也遂用八珍加麥門山藥倍用製甘草數劑諸症悉退但患處痲痛此膿內炊也又五劑膿自湧出又五十餘劑而瘡口將完又因勞役且停藥寒熱作渴痲痛膿多用補中益氣湯加炒山梔二劑少愈又以八珍湯加麥門五味百餘劑痲痛悉去喜其慎起居節飲食常服補劑而安但勞則出膿一二滴後惑於他言內用降火外用追蝕必其收斂致患處大潰幾至不起仍補而愈

便癰

四

一名便毒  
一名疝瘕

便癰屬厥陰肝經內熱外寒或勞倦過度或房慾不節或慾心

不遂或強固其精或肝經濕熱而致治法內熱外寒者雙解散  
勞倦過度者補中益氣湯房慾不節者六味丸料慾心不遂者  
先用五苓散加大黃疎其精滯後用地黃丸以補其肝腎強固  
其精或濕熱壅滯者宜用龍膽瀉肝湯疎肝導滯夫便癰血疝  
也屬厥陰肝經之絡脈衝任督脈之隧道故婦人患此多在兩  
拘瘧痛或腹中結塊小便澀滯苟治者得法患者又能調攝何  
難歛之有若槩用大黃等劑以求其內消或令膿隨便下損其  
氣血及不慎起居飲食者皆為不治

治驗

府庠沈尼文年二十左拘患之余以肝腎陰虛先用托裏藥潰  
而將愈因入房發熱作渴右邊亦作痛膿水清稀虛症悉至脉  
洪大而無力勢甚可畏用十全大補加附子一錢脉症頓退再

劑全退後用大補湯三十劑而愈

一儒者癰痛便澀用八正散二劑清肝火導濕熱而癰痛愈再  
以小柴胡加芎歸澤瀉山梔二劑清肝火補脾血而小便利

一男子潰而癰痛不止此餘毒未解用活命飲一劑而痛止再  
劑而癰消

一男子痛甚發熱用前飲一劑痛止再以神効瓜蒌散加山梔  
柴胡二劑而消

一男子癰而不潰余謂此因陽氣虛弱用參芪歸朮以補托元  
氣用白芷皂角刺柴胡甘草節以排膿清肝數劑而潰以八珍  
加柴胡補其氣血數劑而愈

一男子已潰而痛不止小便秘澀此肝火未解也與小柴胡湯  
加黃柏知母芎歸痛止便利更以托裏當歸湯而瘡斂若毒未



解而痛不止者須用活命飲

一婦人素清苦因鬱怒患前症或用敗毒寒涼之藥反瞞熱內熱自汗盜汗月經不行口乾咽燥余謂此鬱氣傷脾因藥復損先以當歸湯數劑後兼逍遙散各五十餘劑而諸症皆愈

一婦人小腹內如有所梗兩扪并人門俱癰小便淋澀經候不調內熱作渴飲食少思腹內初如鷄卵而漸大脉洪數而虛左關尤甚屬肝脾鬱結之症也用加味歸脾湯肝火退而脾土健間以逍遙散下蘆薈丸而愈

一婦人兩扪癰痛腹內一塊不時上攻月經不調小便不利余以爲肝脾氣滯以四君加芎歸柴胡山梔而愈後因鬱怒前症復作却兼胸脇脹滿盜汗此肝木甚而傷脾土用加味歸脾湯下蘆薈丸而愈

一婦人小腹內或作痛或痞悶兩拘痠痛內熱寒熱胸膈不利飲食不甘形體日瘦此肝氣滯而傷脾氣朝用補中益氣湯夕用六味丸漸愈更用蘆薈丸而全愈

一婦人兩拘痠痛小腹痞脹小便時數白帶時下寒熱往來小便淋瀝余謂脾氣滯而血病用龍膽瀉肝湯漸愈又用加味逍遙散六味丸而全愈

一婦人患前症胸脇脹悶或小便不利或時作痛小便澀滯服疎氣豁痰等藥益甚余謂肝火氣分之病用龍膽瀉肝湯以清肝熱又用加味逍遙散以生肝血六味丸以滋腎水而愈

一婦人患前症余謂此肝脾鬱怒之症不信別服化痰利氣之劑胸腹脹悶又服峻利疎導之劑變脾虛發痲之症而歿

一婦人兩拘痠痛內熱作渴飲食不甘股體倦怠陰中作梗小

便赤澀爲肝脾陰虛濕熱用加味歸脾湯而愈後因怒復作小  
腹癰脹小便不利用小柴胡加山梔芎歸以清理肝火脹痛頓  
止又以加味逍遙散調補肝火而痊

一婦人兩拗作痛寒熱內熱小便赤澀胸脇不利此肝火動而  
脾氣傷用補中益氣湯加茯苓數劑少愈又與加味歸脾湯諸  
症悉退再用加味逍遙散而全愈

一婦人小腹痞悶小便不利內熱體倦懶食此氣血虛而兼肝  
火用八珍湯加柴梔膽草治之而安

一婦人陰中如梗兩拗癰痛寒熱不食小便頻數小腹重墜余  
以爲肝脾鬱結所致先以補中益氣湯加山梔茯苓車前子青  
皮以清肝火升脾氣更以加味歸脾湯二十餘劑調理脾鬱而  
愈

### 下疳瘡

五

婦人陰瘡等症見女  
科撮要婦人良方

下疳屬肝經濕熱下注或陰虛火燥治法癰疔發熱者血虛而  
有熱也四物湯加柴胡山梔癰痛寒熱者肝經濕熱也小柴胡  
湯加龍膽草黃連癰痛便澀者濕熱壅滯也龍膽瀉肝湯癰痛  
腐潰者氣血虛而有火也八物湯加山梔柴胡日晡熱甚者陰  
血虛而有熱也小柴胡湯加參朮芎歸日晡倦怠者陽氣虛而  
下陷也補中益氣湯其經久不愈而發寒熱者腎水不能生肝  
木也用六味丸若筋縮縱或為痒痛或出白津此筋疝也用龍  
膽瀉肝湯氣虛者補中益氣加炒山梔炒龍膽陰虛火燥者用  
六味丸莖中痒出白津用補中益氣湯與清心蓮子飲間服蓋  
此症肝經陰虛爲本腫痛寒熱等症爲標須用六味丸以生肝  
血凡脾土虛不能生金水而見一切肝症者當佐以補中益氣  
湯加麥門冬以滋化源

治驗

庶給士劉華甫或莖中作痛或竅出白津或小便秘澀先用小柴胡湯加山梔澤瀉黃連木通膽草茯苓二劑以清肝火導濕熱諸症漸愈後因勞倦忽然寒熱此元氣復傷也用補中益氣而安又用六味丸以生肝血滋腎水而全愈

州守姜節甫患前症膿水淋漓作渴吐痰午前惡寒午後發熱余曰午前惡寒屬陽氣虛弱午後發熱屬陰血不足不信反服二陳黃柏知母之類飲食益少大便不實又日晡熱渴小腹重墜患處熯痛恪用四物黃柏知母之類飲食亦不思余以脾氣虛而下陷先用補中益氣湯調養脾胃以升陽氣諸症漸愈又用六味丸滋補腎水以生肝血而痊

一小兒十五歲患前症雜用消毒之藥虛症悉具二年餘矣詢

之乃稟所致用葶藶湯月餘諸症漸愈又用補陰八珍補中益氣二湯而痊

一儒者莖中作痒發熱倦怠外皮浮腫二年矣用八珍加柴胡山梔及六味地黃丸而愈有兼陰毛間生蟲作痒者用桃仁研爛塗之

一儒者因勞而患焮痛寒熱體倦頭疼小便赤澀用補中益氣湯加車前牛膝山梔而愈

一儒者陰莖腐爛癰痛不止日晡熱甚口乾體倦食少欲嘔此肝脾血虛也先用六君子加柴胡升麻脾胃醒而諸症退更以補中益氣加炒山梔肝火退而癰痛痊

痔瘡

六

男婦全治

痔屬肝脾腎三經故陰精虧損者難治多成漏症若肺與大腸

二經風熱濕熱者熱退自愈不守禁忌者亦成漏症或因醉飽入房筋脉橫解精氣脫泄熱毒乘虛流注或淫極強固其精以致木乘火勢而侮金或炙燔厚味或勞傷元氣陰虛火熾所致初起熅痛便秘或小便不利者宜清熱涼血開燥疎風若氣血虛而寒涼傷損者調養脾胃滋補陰精若破而久不愈多成痔漏有穿臀穿陰穿腸者其腸頭瘻塊者濕熱也作痛者風熱也便結者火燥也潰膿者熱勝血也大便秘作痛者潤燥除濕肛門墜痛者瀉火除濕小便澀滯者清肝導濕其成漏者養元氣補陰精爲主經云因而飽食筋脉橫解腸澀爲痔其屬肝脾腎也明矣若有患痔而兼疝患疝而兼下疳皆屬肝腎不足之變症但用地黃丸益氣湯以滋化源爲善若專服寒涼治火者無不致禍

治驗

進士周希輔素有疝痔勞則小腹作痛莖出白津痔亦癢痛若飲食勞倦起居失宜則發寒內熱肢體疲倦服十全大補湯諸症並退彼欲去病根乃用攻病生肌之藥肌體骨立余用益氣湯地黃丸元氣漸復但自弛調攝不能全愈

一儒者膿血淋漓口乾作渴晡熱便血自汗盜汗余謂此腎肝陰虛也不信仍服四物柏知連之類食少瀉嘔余先用補中益氣湯加茯苓半夏炮薑脾胃漸醒後用六味丸朝夕服兩月餘諸症悉愈

儒者楊舉元素陰虛勞則肢體倦怠兩足發熱服清熱等劑熱至腰膝大便澀滯飲食過多則瀉至年餘作渴吐痰患痔出膿仍不節勞則忽惡寒發熱復患癰膿水不止氣血虛甚余用六



味丸補中益氣湯滋養化源喜其慎疾年餘而痊

一男子患此服寒涼之劑侵晨去後不實食少體倦口乾作渴小腹重墜余用補中益氣湯而下墜頓止用四神丸而食進便實用地黃丸而瘡尋愈

一膏粱酒色之人患之作痛服苦寒之藥致腎癰硬又加大黃腹脹頭痛此足三陰虧損而藥復傷余用補中益氣湯升補陽氣加參苓半夏木香以助脾氣數劑而愈

上舍陸子藩時仲冬患痔作痛右手淨大左尺洪數余曰冬見夏脉當壯水之主以鎮陽光彼以爲迂別服芩連之劑越明年六月九日復邀視之痰涎上湧日夜不寐脈洪大而數按之無力左尺全無足手肩膊逆冷余曰事急矣彼云但求少延數日以待嗣子一見耳勉用參芪歸朮炮薑之類及六味丸料加肉

至本月丁酉日果歿五行之理信然

侍御王兩湖長子患痔作渴發熱尺脈洪數按之無力余曰此肝腎陰精虧損而虛火妄動當滋化源彼不信後吐痰聲嘶面亦體瘦而歿

便血

七

婦人症見  
女科撮要

經云邪在五臟則陰脈不和陰脈不和則血留之陰氣內結陽絡外傷滲入腸間故便血也針經云陽絡傷則血外溢而衄血陰絡傷則血內溢而便血皆因飲食失節起居不時七情六淫失宜內傷外感所致若外感則血鮮名腸風內傷則血濁名臟毒外感而元氣實者人參敗毒散加槐花荆芥以祛邪氣內傷而元氣虛者亦用六君子湯以補胃氣元氣下陷者補中益氣湯以升舉之憂思傷脾者濟生歸脾湯以解之糞前見血者益

氣湯加吳茱萸糞後見血者加黃連陰血不足者宜用四物湯  
病因多端不能盡述當臨症制宜庶無誤矣丹溪先生云精氣  
血氣出於穀氣惟大便下血當以胃氣收功治者審之

### 治驗

一儒者素善飲不時便血或在糞前或在糞後食少體倦面色  
痿黃此脾氣虛而不能統血以補中益氣湯加吳茱萸黃連三  
十餘劑而再不發

一男子每怒必便血或吐血卽服犀角地黃湯之類余曰此脾  
虛不能攝血恐不宜用此寒涼之藥彼不信仍服之日加倦怠  
面色痿黃更用四物芩連丹皮之劑飲食少思心煩渴熱吐血  
如湧竟至不起若用四君並歸補中益氣湯多有得生者

脫肛八

男婦全治

脫肛屬大腸氣血虛而兼濕熱有久痢氣血俱虛而脫者有因  
腎虛而脫者有中氣虛而脫者有因腎虛而脫者濕熱者升湯  
除濕湯血熱者四物加條芩槐花血虛者四物加白朮茯苓蒸  
痔而痛者四物加槐花黃連升麻久痢者補中益氣湯加酒炒  
芍藥中氣虛陷者前湯加半夏炮薑茯苓五味腎虛者六味丸  
虛寒者八味丸肺與大腸爲表裏肛者大腸之門肺實熱則秘  
結肺虛寒則脫出腎主大便故腎虛者多患此症

### 治驗

舉人于時正素有痔每勞役便脫肛腫痛出水中氣下陷也用  
補中益氣湯加茯苓芍藥十餘劑中氣復而愈後復脫作痛誤  
服大黃丸腹鳴惡食幾危余用前湯加炮薑芍藥諸症漸愈後  
去薑加熟地五味三十餘劑而愈

一男子脾胃素弱或因勞倦或因入房肛門卽下癰悶痛甚用  
補中益氣湯加麥門五味兼六味丸而愈後因過飲下墜癰痛  
誤用降火消毒虛症蜂起余用前湯加炮薑木香一劑再用前  
湯并加減八味丸兩月而安

一儒者面白神勞素畏風寒飲食喜熱稍多必吞酸作瀉吸氣  
覺冷便血盜汗余以爲脾腎虛寒用補中益氣加炮薑肉桂五  
十餘劑八味丸飭許諸症悉愈

腎臟風瘡九 男婦全治

腎臟風屬腎虛風邪乘於腠脛以致皮膚如癬或漸延上腿久  
則延及遍身外症則搔痒成瘡膿水淋漓眼目昏花內症則口  
燥舌乾腰腿倦怠吐痰發熱盜汗體疲治法用六味丸爲主佐  
以四生散若脾胃虛弱者用補中益氣爲主佐以六味丸四生

散爲善

治驗

欽天薛循齋六十有一兩賺患之膿水淋漓發熱吐痰四年矣此腎臟風症也與六味丸四生散而瘥年餘復作延及遍身日晡益甚痰渴盜汗唇舌生瘡兩目昏赤皆腎經虛火而水泛爲痰用加減八味丸而愈三年後小便淋漓莖中瀆痛此思色精不出而內敗也用前丸及補中益氣湯加麥門五味而愈

賺瘡

十一婦人症見女科撮要婦人良方

賺瘡生於兩賺初起赤腫久而腐潰或洼淫搔痒破而膿水淋漓蓋因飲食起居虧損肝腎或因陰火下流外邪相搏而致外賺屬足三陽濕熱可治內賺屬足三陰虛熱難治若初起惡寒壯熱瘧嗽作痛者屬濕熱用枳蘇敗毒散若漫腫作痛或不痛

不痛者屬陰虛用補陰八珍湯若膿水淋漓體倦食少內熱口  
乾者屬脾虛用補中益氣加茯苓酒炒白芍藥若午後熱或作  
痛頭目不清者屬陰火前湯加酒炒黑黃柏及六味地黃丸若  
午後發熱至子時分方止是血虛前湯加芎歸熟地若鬱結傷  
脾而甚用歸脾湯加柴胡山梔若怒動肝火而甚用補中益氣  
湯加川芎山梔黃芩內熱口乾肢體倦怠或痰涎上升或口舌  
生瘡屬脾腎虛熱用六味地黃丸補中益氣湯若患虛黯肢  
體畏寒飲食少思屬脾腎虛敗用八味地黃丸若誤用攻伐復  
損胃氣絕其化源治亦難矣

治驗

鴻臚翟少溪雨賺生瘡漸至遍身發熱吐痰口燥咽乾盜汗心  
煩溺赤足熱日晡益甚形體日瘦此腎經虛火也用六味丸不

月諸症悉退三月元氣平復

一男子左腿癰肉色如故寒熱惡心飲食少思此脾氣不足而為外邪所感也用六君加藿香桔梗川芎而寒熱止又用補中益氣湯而癰痛消

陳湖陸懋誠素因陰虛過飲入房發熱腿痛似膝瘡用發表之劑兩腿癰黯熱氣如霧欲發瘰脉皆洪數兩尺尤大余曰屬足三陰虛酒濕所乘元氣損而邪益甚耳用十全大補加山藥山茱萸附子一劑脈症頓退却去附子又二劑全愈

一男子先於兩膝後及遍身生瘡似疥非疥時或膿水淋漓兩腿為甚肢體倦怠作痒煩熱年餘不愈余作腎經虛火用加減八味丸而痊

一男子腿患癰服剋伐之藥虧損元氣不能成膿余為托裏而



潰大補而斂，但大便結燥，用十全大補湯加麥門、五味而潤，月餘仍結，自服潤腸丸而瀉不止，余用補中益氣湯送四神丸數服而愈。

### 足跟瘡

十一

婦人症詳見  
婦人良方

足跟乃督脉發源之所，腎經所過之地。若飲食失節，起居失宜，虧損足三陽經，則成瘡矣。若漫腫寒熱，或體倦少食，屬脾虛下陷，也用補中益氣湯。若晡熱作痛，頭目不清，屬脾虛陰火也。前湯并六味丸。若痰涎上升，或口舌生瘡，屬腎水乾涸也。前湯并加減八味丸。凡此皆當滋其化源。若治其外，則誤矣。俗云兔嚙瘡者，蓋獵人被兔咬足跟，久而不斂，氣血瀝盡而死。

### 治驗

大尹陳汝鄰，兩腮酸軟，或赤或白，足跟思腫，或痛或痒，後痛而

或如無皮或如皸裂日晡至夜脹痛熾熱用補中益氣湯加八味丸料補其肝腎而愈

一男子足跟作痛熱渴體倦小便如淋誤用敗毒散致頭痛惡寒欲嘔不食吐痰咳嗽此是三陰虧損而藥復傷余用十全大補湯加減八味丸各五十餘劑而愈

一男子素不慎起居內熱引飲作渴體倦兩足發熱後足跟作痛或用清熱除濕之劑更加發瘧又服敗毒之藥熾赤痛甚恪用祛毒清熱潰裂番張狀如赤榴熱痛如錐內熱晡熱此因足三陰虧損朝用十全大補湯夕用加減八味丸外敷當歸膏兩月餘而愈其服消毒等藥而效者不能枚舉

一男子亦患此服消毒散搽追蝕藥虛症疊出其形體骨立自分必死余用十全大補兼山茱山藥兩月餘而愈

一膏粱之人兩腳發熱作渴左尺脉數而無力余謂此是三陰虧損防患疰不信反服清熱化痰之藥更加晡熱頭暈又服四物黃柏知母日晡熱甚飲食漸少腳跟果發疰余用補中益氣六味地黃丸百餘服而其不信患疰以致不起者多矣

一婦人勞則足跟熱痛余以爲是三陰虛用八珍湯而痊後遍身搔痒誤服風藥發熱抽廔肝脉洪數此肝家血虛火盛而生風以天竺膽星爲丸用四物麥門五味芩連炙草山梔柴胡煎送下而愈

一婦人兩足發熱兩跟作痛日晡熱甚余以爲肝腎血虛用加味逍遙散六味地黃丸五十餘劑諸症悉愈

一婦人素血虛因大勞兩足發熱晡熱月經過期或用四物黃連飲食少思胸痞吐痰用二陳枳實黃連大便不實吐痰無度

足跟作痛余曰足熱晡熱月經過期乃肝脾血虛也胸痞吐痰  
飲食少思脾胃虛也蓋胃爲五臟之根本胃氣一虛諸症悉至  
先用補中益氣湯加白茯苓半夏脾胃漸健乃佐以六味地黃  
丸以補脾胃不兩月而痊

一婦人經候不調發熱晡熱胸膈不利飲食少思服清熱寬中  
消導之劑前症益甚更兼肢體酸痛服除濕化痰等藥經候兩  
月一至服通經降火等劑兩足跟指作痛其熱如炙余以爲足  
三陰虧損用補中益氣六味地黃丸兩月諸症漸退又用前湯  
并八珍散兩月而康

一婦人足跟患癰兩腿酸軟或赤或白或痒或痛後或如無皮  
或如皴裂日晡至夜脹痛熾熱此是三陰虧損用加減八味丸  
及逍遙散加熟地川芎百餘劑而愈

脚發十二 男婦全治

脚發之症屬足三陰經精血虧損或足三陽經濕熱下注若色赤癰痛而潰膿者屬濕熱下注為可治若色微赤微癰而膿清者屬精血虧損為難治若黑黯不癰痛不潰膿煩熱作渴小便淋漓者陰敗未傳惡症也為不治其法濕熱不注者先用隔蒜灸活命飲以解壅毒次服益氣湯六味丸以補精氣若色黯不痛者着肉灸桑枝灸以行壅滯助陽氣更用十全大補湯八味丸壯脾胃滋化源多有復生者若專治其瘡復傷生氣吾未見其生者

治驗

閣老靳介菴脚指縫作痒出水癰歛脚面敷止痒之藥不應服除濕之劑益甚余以為陰虛濕熱下注用六味地黃丸補中益

氣湯而愈

大棗李北溪左足赤腫作痛此是三陽經濕熱下注先用隔蒜灸活命飲一劑其痛頓止灸患處出水赤腫頓消次用托裏消毒散四劑灸患處出膿而愈

儒者楊舉元患此微腫痛微赤焮此是三陰經陰虛濕熱下注用隔蒜灸托裏散而起發用十全大補湯而膿成又與加減八味丸料百劑而斂

一儒者患此腫硬色白兩日餘矣此是三陰經虧損為外寒所侵用大防風湯及十全大補兼服而消後場屋不利飲食勞倦前症復作盜汗內熱飲食不化便滑肌瘦此脾土虛寒而命門火不能相生用八味丸益氣湯百餘劑喜其年壯得愈

一男子腳心發熱作渴引飲或用四物芩連柏知母之類腹痛

作嘔煩熱大渴此是三陰虧損前藥復傷脾胃也先用六君加  
炮薑數劑而脾胃醒再用補中益氣加茯苓半夏而脾胃健乃  
以加減八味丸兼服半載而愈

一儒者脚心發熱作痒以滾湯浸漬潰而出水肌體骨立作渴  
吐痰此脾腎虛而水泛爲痰也服益氣湯六味丸年餘元氣復  
而諸症愈

少宗伯顧東江面黧作渴余曰此腎經虧損當滋化源以杜後  
患彼雖然之而終不服次年九月內左足面患疽色黯不痛腳  
腿沉重用隔蒜灸三十餘壯足腿卽輕瘡出血水數日而消瘡  
色仍黯時公將北行賀萬壽余診之曰脾脈衰憊陽氣虛極  
不宜遠行公曰余得夢屢驗向夢羣仙待我此壽徵也至河間  
驛聚仙堂病篤嘆曰立齋豈能留我果卒於此亦異數也

脫疽十三

脫疽謂疔患於足或足趾重者潰脫故名之亦有患於手患於指者因醇酒炙煇膏粱傷脾或房勞損腎故有先渴而後患者有先患而後渴者若色赤作痛白潰者可治色黑不潰者不治色赤作痛者元氣虛而濕毒壅盛也先用隔蒜灸活命飲托裏散再用十全大補湯加減八味丸色黯不痛者腎氣敗而虛火盛也隔蒜灸桑枝灸亦用十全大補湯加減八味丸則毒氣不致上侵元氣不致虧損庶可保生亦有因修手足口咬等傷而致者若元氣虛弱或犯房事外塗寒涼內服剋伐損傷脾胃患處不潰若黑黯上延亦多致死重者須當以腳刀轉解周髻輕搨去之則筋隨骨出而毒得泄亦不痛否則毒筋內斷雖去而仍潰且偏僻之處氣血罕到藥難導達況攻毒之劑先傷脾胃



不若灸法爲良重者須解去爲善故孫真人云在肉則割在指則截蓋親之遺體雖不忍傷而遂至夭歿則尤傷矣況解法無痛患者知之

### 治驗

一男子足指患之癰焮痛赤此三陽經虛而外邪所乘也用隔蒜灸人參敗毒散加銀花白芷大黃二劑而痛甚又二劑痛止又與十宣散加天花粉金銀花去梮數劑而愈又有足指患之者色紫不痛此三陽經熱毒壅滯隔蒜灸五十餘壯又明灸百壯始痛投活命飲四劑更以托裏藥潰脫而愈

一男子鼠前症赤痛作渴此是三陰虛而火內動用隔蒜灸活命飲三劑而潰更服托裏藥及加減八味丸潰脫而愈若早用前法不至於此

一男子癰痛色赤發熱作渴大小便秘結其脉浮數按之沉實此是三陽經積熱內外俱受患也先用隔蒜灸及人參敗毒散加銀花白芷大黃而潰更以活命飲而痊

一膏梁之人先作渴足熱後足大指赤痛六脉洪數而無力左尺爲甚余爲此是三陰虛當滋化源爲主固服除濕敗毒等劑元氣益虛色黯延足余乃朝用補中益氣湯夕用補陰八珍湯各三十餘劑及桑枝炙潰而膿清作渴不止遂朝以前湯送加減八味丸夕用十全大補湯三十餘劑而痊是時同患此症服敗毒之藥者俱不救

癰贅

十四

附結核凡結核當與癰癧參看

內經云肝統筋而藏血心裏血而主脈脾主肉而統血肺主氣而司腠理腎統骨而主水若怒動肝火血涸而筋攣者其自筋

瘰癧起按之如筋久而或有赤縷名曰筋瘤用六味地黃丸四物  
山梔木瓜之類若勞役火動陰血沸騰外邪所搏而爲瘰癧者其  
自肌肉瘰癧起久而有赤縷或皮俱赤名曰血瘤用四物茯苓遠  
志之類若鬱結傷脾肌肉消薄外邪所搏而爲瘰癧者其自肌肉  
瘰癧起按之實軟名曰肉瘤用歸脾益氣二湯若勞傷肺氣腠理  
不密外邪所搏而壅瘰癧者其自皮膚瘰癧起按之浮軟名曰氣瘤  
用補中益氣之類若勞傷腎水不能榮骨而爲腫者其自骨瘰  
起按之堅硬名曰骨瘤用地黃丸及補中益氣湯主之夫瘤者  
留也隨氣凝滯皆因臟腑受傷氣血乖違當求其屬而治其本  
大凡屬肝膽二經結核八珍加山梔膽草以養氣血清肝火六  
味丸以養肺金生腎水若屬肝火血燥須生血涼血用四物二  
地丹皮酒炒黑膽草山梔中氣虛者補中益氣兼服若治失其

法脾胃虧損營氣虛弱不能濡於患處或寒氣凝於瘡口榮氣不能滋養於患處以致久不生肌而成漏者悉調補脾胃則氣血壯而肌肉自生矣若不慎飲食起居及七情六淫或用寒涼蝕藥蛛絲纏芫花線等法以治其外則誤矣

### 治驗

長州庠王天爵辛丑春左腿近環跳患之狀如大桃按之濡軟恪服除濕流氣化痰之劑惡寒發熱食少體倦形氣俱虛脈洪大而虛氣癪也肺主之蓋膽屬木肺屬金然發於膽經部分乃肺金侮肝木元氣虧損而其膿已內潰矣遂用十全大補湯數劑出青白稀膿甚多頓加寒熱煩渴頭痛殊類傷寒狀余謂此因膿泄而血氣益虛耳仍用前湯其勢益甚脈洪數大按之如無乃加附子一錢其勢愈甚而脈復如前此虛甚而藥未能及

也更加附子二錢三劑諸症頓退乃朝用補中益氣湯夕用十全大補湯各三十餘劑出腐骨五塊瘡口將完後因不慎起居患處復潰諸症更發咽間如焚口舌無皮用十全大補加附子一錢服之諸症卽愈二日不服內病悉至患處復潰二年後又患服前藥不應診其尺脉微細如絲此屬命門火衰用八味丸爲主佐以十全大補湯稍愈至乙巳仍患虛寒之症而歿

一男子左腿外側近臀瘡一塊上有赤縷三年矣飲食起居如常觸破湧出血膿發熱惡寒此膽經受症故發於腿外側診其脉左尺洪數左關弦洪此腎水不能生肝木用補中益氣湯六味地黃丸而痊

一男子小腹患之膿水淋漓此足三陰之症用補中益氣加麥門五味以培脾土用六味地黃丸以生腎水更用蘆薈丸以清

肝火而歛

一老儒有間患之二年其狀如紫桃下墜蓋目按之如水囊此  
肝脾之症膿瘰內潰而然耳遂刺出血膿目卽開以炒黑膽草  
山梔芎歸芍藥柴胡白朮茯苓等類而愈

舉人江節夫兩耳下兩臂兩肋結核恪服祛痰降火軟堅之劑  
益甚余曰此膽經血虛火燥也蓋膽經行人身之側前藥必致  
虧損至明年七月復請視各核皆潰脉浮大而濇時金肝於秋  
木受金剋必不治果卒

嘉善周上舍兩耳下項間筋攣壅瘰堅硬咳嗽氣喘內熱盜汗  
所服皆化痰散堅行氣之劑勢益甚予診之左關弦澀左尺洪  
數此怒氣傷肝房勞損腎須滋腎水生肝血慎調攝至水旺之  
際庶可愈矣彼欲速効乃外敷商陸石灰等藥內服海藻蓬朮

之類至秋金旺之際元氣愈虛其癰愈甚而歿

鎮江孫上舍益缺間癰如覆甌堅硬色赤內熱晡熱自汗盜汗  
就治於余曰賤疾皆以散堅行氣降火破血之劑欲其內消而  
反甚其脉左尺洪數按之而弱左關洪數按之而澀此怒氣傷  
肝血涸而筋攣也因其急於仕進余辭不能治彼亦不信後果  
歿此症若補脾肺滋肝腎則不得水而敷華筋得血而滋潤多  
有得生者

疔十五

疔屬肝膽少陽經風熱血燥或怒動肝火或肝客淫氣所致蓋  
肝熱水涸腎氣不榮故精亡而筋攣也宜以地黃丸滋腎水以  
生肝血爲善若用蛛絲纏螳螂蝕蒼艾灸必多致誤大抵此症  
與血燥結核相同故外用腐蝕等法內服燥血消毒則精血愈

虛肝筋受傷瘡口翻突開張卒成敗症

治驗

府庠朱宏仁年二十右手背近中指患五疔中一大者如黃豈餘皆如聚黍拔之如絲長三四寸許此血燥筋縮用清肝益榮湯五十餘劑而愈

府庠沈姬文幼嚙指甲及長不能自禁余曰此肝火血燥也又頸側常生小疔子屢散屢發又臂生一塊如棗豆大若觸碎如斷束縷扯之則長縱之則縮後兩鬢發白點求治余曰子素肝病此病亦屬肝膽經也夫爪爲筋之餘膽行人身之側正與嚙爪生痲等症相應須滋補腎水以生肝膽則諸病自愈矣乃與六味地黃丸服之二年白點自退疔亦不生

一男子臉患疔初如赤椹雜用敷貼之藥翻張如菌又用腐蝕



燉大如瘤此是三陰經虛症悉具治以補脾肺生肝腎等劑而  
尋愈

一男子小腹中一塊不時攻痛或用行氣化痰等藥不應尤以  
爲血驚服行氣逐血之劑後手背結一痲子漸長寸許形如驚  
狀肢節間如豈大者甚多彼泥驚生子發於外亦用行血虛症  
悉至左尺洪數關脉洪數弦余以爲腎水不能生肝木以致肝  
火血燥而筋攣用六味地黃丸生腎水滋肝血三月餘諸症愈  
一男子因勞役過度面色青黑發熱咳嗽面生疣子腹內一塊  
攻上攻下作痛口乾小便秘澀服消剋之藥愈甚察其脉左右  
關俱弦洪元氣弱甚此肝脾受病而筋攣也投以加味逍遙散  
合地黃丸料元氣遂復若誤以爲血驚之類消之必致不起  
一男子素膏梁醇酒先便血便結驚悸少寐後中門周生小顆

如疔于如鼠乳大小不一用清熱消毒等藥半載之間腿內股亦然又用化痰之藥寒熱吐痰頸間俱作肝腎脈浮數按之而弱余以爲足三陰經血虛火熾法當滋化源彼不信別服四物黃柏知母之類諸症蜂起此胃氣復傷各經俱病也先用補中益氣湯三十餘劑諸症漸愈乃朝用前湯夕用八珍湯又各五十餘劑諸症尋愈於是夕改用六味丸加五味子又半載諸症悉愈

一婦人左手背并次指患五六枚如熟椹內熱晡熱月經素不及期余曰此因肝脾血虛而有熱也當調補二經使陰血生而諸症自愈不信乃用艾灸手腫脹發熱手指皆攣兩脇項及胸乳間皆患疣經行無期余用加味逍遙散少加炒黑黃連數劑漸愈乃去黃連更佐以歸脾湯各患漸愈又百餘劑經行如期

再用地黃丸三料而痊

一婦人小腹內一塊或時上攻或時下墜寒熱胸痞小便淋漓  
或用行氣化痰等劑前症愈甚月經兩月餘而一行或以爲內  
有肉鬻啖餘其血而經不行服驅逐之劑下血甚多兩手背結  
一疣如大豆許兩月漸長寸許又兩月餘又患數枚疑以鬻子  
行於外仍行驅逐兩耳下各患瘡又疑爲瘡毒余曰此屬肝火  
血燥也用加味道遙加哇歸脾二藥兼服佐以六味丸三月餘  
而愈

一婦人患之用蛛絲纏羌花線螳螂咬毒藥蝕着艾灸大潰瘡  
痛發熱出血余曰此陰血虛也不信仍服降火之藥而歿

發瘰

十六

瘰當作瘰

瘡瘍發瘰因氣血虧損外邪所搏或內虛鬱火所致其形牙關

緊急四肢勁強或腰背反張肢體抽搐其有汗而不惡寒者曰柔痙風能散氣故有汗也其無汗而惡寒者曰剛痙寒能瀋血故無汗也皆由亡血過多筋無所養故傷寒汗下過多與潰瘍產後多患之乃敗症也若大補氣血多有復生者若作風治速其危矣

治驗

秋官張同野舊有流注因暴寒睡炕口目抽搐手足戰掉余以爲氣血虛熱而然用參芪歸朮川芎山梔柴胡半夏天麻炙草治之而愈

吳給事瞻之墜馬傷首出血過多發熱煩躁肉瞤筋惕或作破傷風欲發汗祛風余曰此亡血火動也無風可祛無汗可發當峻補其血用聖愈湯二劑頓愈又用健脾胃養氣血而全愈

一儒者背瘡將愈發熱煩躁自用降火之劑項強口噤自汗惡寒此汗多內亡津血筋無所榮也用補氣血之劑及地黃丸愈而  
一男子素勤苦早行遍身發疙瘡口噤日直脉弦緊此勞傷氣血內熱外邪所搏也用補中益氣加山梔羌活川芎而瘥半載後遍身作痒搔破成瘡發熱作渴脉洪大而虛復以前湯加芍藥麥門熟地天麻而愈

一儒者善怒患瘰癧復因大怒跳躍忽仆地兩臂抽搐唇口喎斜左目緊小此肝火血虛內熱生風用八珍湯加牡丹皮釣藤山梔而愈次年春前病復作兼小便自遺左關弦洪而數余以爲肝火血燥用大味丸加釣藤五味麥門芎歸治之漸愈又用補中益氣加山梔釣藤牡丹皮而安

一癩婦因怒仆地瘡口出血語言塞澀口眼喎斜四肢拘急汗

出遺尿或用驅風之劑六脈洪大肝脈寸甚此肝火熾甚也用  
加味道遙散加釣藤及六味丸尋愈

一婦人患內痔因勞出血甚多不時發瘕飲食少思形體倦怠  
其面色白余謂此氣傷而不能統血也川補中益氣湯反寒熱  
出血此陽氣虛寒也仍以前湯加炮薑四劑寒熱漸止飲食漸  
進又四劑而血頓止後因勞役或怒氣即便血或發瘕投以補  
中益氣湯加釣藤而愈

一婦人素性急患遍身搔痒或項間結核常服搜風順氣之劑  
後大怒吐血唇口牽緊小便頻數或時自遺此怒動肝火而血  
妄行也用小柴胡湯加山梔牡丹皮而愈

一癩婦因勞兼怒四肢攣屈煩痛自汗小便短少畏見風寒脉  
浮弦緩此氣血虛而風寒濕熱相搏也先用東垣清燥湯漸愈

再用加味逍遙散及八珍湯加牡丹皮而痊

一婦人素有肝火兩拘攣或腫痛或寒熱忽然昏潰癩癧抽搐善伸數欠四肢筋攣痰涎上升此肺金燥甚而血液衰少也用清燥丸六味丸兼服尋愈

一婦人因大勞患賺瘡發疔瘡搔碎成瘡日晡熱甚或口噤發搐或頭目眩暈此肝脾氣血虛而內熱以八珍散加柴胡山梔治之諸症少愈復因怒前症復作經行不止此肝脾血熱用如味逍遙散漸愈又用八珍散加柴胡山梔而痊

一婦人發疔瘡日晡熱甚月經先期或頭目昏眩或寒熱發熱或四肢抽搐此肝經風熱血燥用加味逍遙散治之尋愈後因怒前症復作口噤遺尿此肝火血燥也用加味小柴胡湯治之漸愈又夜間發熱譫語此血分有熱也用小柴胡湯加生地而

愈更用加味逍遙散調理而安

一婦人患鹽唇月經先期余以爲肝火血熱不信乃泛用降火之劑反致月經過期復因勞怒口噤呻吟肢體不隨六脉洪大面目赤色用八珍麥門五味山梔丹皮數劑漸愈兼用逍遙散六味丸料各三十餘劑全愈

一婦人經行遇怒其經卽止甚則口噤筋攣鼻衄頭痛痰涎搐搦瞳子上視此肝火熾甚以小柴胡湯加熟地黃山梔釣藤鈎而愈

一婦人素陰虛患遍身搔痒誤服祛風之藥口噤抽搐肝脉洪數余曰肝血爲陰爲水肝氣爲陽爲火此乃肝經血虛火盛耳宜助陰血抑肝火遂用四物麥門五味柴胡山梔生草熱搐而止又以八珍加黃芪麥門五味釣藤炙草調理而愈



一婦人久患流注脾胃虛弱忽痰壅氣喘頭搖目劓手揚足擲  
難以候脉視其面黃中見青此肝木乘脾土也用六君加柴胡  
升麻治之而愈更以補中益氣加半夏茯苓而安

類破傷風症 十七

大凡癰疽潰後筋微肉爛膿血大泄陽隨陰散或筋脉拘急惡  
寒惕擗甚者舌強口噤項背反張痰涎壅甚便閉汗出不時發  
熱此氣血俱虛而傳變雖與破傷風相類而主治之法當大補  
氣血若果係風症亦須以大補氣血爲本而兼以治風之藥設  
若不審是非而妄藥之則誤矣風症治見後方

治驗

司徒邊華泉肩患癰潰而發熱目直或睜殊類中風日晡熱甚  
脉益數此足三陰氣血虧損虛火妄動用參芪歸朮炙草加酒

炒黑黃柏五味麥門肉桂四劑而愈又數劑而斂

陸大行背瘡內潰出膿二碗許用托裏之劑痛止癰消停藥忽  
寒熱作渴頭痛自汗此元氣虛而未能復也用十全大補加麥  
門五味肉桂二劑益甚診其脉如故此藥力未及仍用前藥加  
附子一錢三劑諸症悉愈乃去附子加肉桂數劑而斂

一儒者患腿癰深蓄於內肉色不變久不穿潰針出膿瘀五碗  
許惡症駢臻全類中風此脾胃虛而變症也用六君子加當歸  
炮薑及聖愈湯各四劑而安又勞心不寐用歸脾湯而愈

一儒者傷寒後患流注癰痛潮熱用十宣敗毒等劑出稀膿五  
六碗許發熱惡寒煩躁作渴殊類破傷風症而斃  
一男子背瘡未痊斂以膏藥剪孔貼之患破傷風症而斃此先

失於內補外邪襲其虛耳余見此症貼膏藥剪孔欲其通氣而

反患破傷風搽歛藥生肌欲其收口而反助其餘毒以致歿者多矣可不慎哉

論瘡瘍隨症加減用藥十八

內經云形傷痛氣傷腫先腫而後痛者形傷氣也先痛而後腫者氣傷形也東垣先生謂胃爲五臟之本源人身之根蒂丹溪先生云癰疽因積毒在臟腑宜先助胃壯氣以固其本夫然則氣血凝結者自散膿瘀已成者自潰肌肉欲死者自生肌肉已死者自腐死肉已潰者自斂若獨攻其瘡脾胃一虛七惡蜂起其不死者幸矣大凡前症須用托裡消毒散爲主若高腫焮痛熱毒也加黃連漫腫微痛氣虛也去金銀花連翹二味加參朮頭痛發熱邪在表也本方加川芎羌活若外邪在表而元氣實者暫用人參敗毒散頭痛惡寒表虛也去二味加參芪發熱飲

冷使秘內熱也去參芪歸朮加大黃發熱飲熱便秘內虛也去  
二味加參芪歸朮寒熱飲冷小便瀉滯肝熱也去參芪加柴胡  
山梔不作膿膿不潰氣虛也去二味及白芷加參朮肉桂如不  
應暫用十全大補湯腫赤作痛血凝滯也本方加乳香沒藥如  
不應暫用仙方活命飲膿出反痛氣血虛也去三味即銀花連翹白芷後  
放此加參芪歸地肉赤而不斂血虛而有熱也去三味加熟地牡  
丹皮肉黯而不斂陽氣虛寒也去三味加參芪白斂官桂漫腫  
不痛或肉死不潰脾氣虛也去三味加入參白朮如不應加薑  
桂更不應急加附子肉白而不斂陽氣虛也去三味加參芪歸  
朮膿多而不斂氣血虛也去三味加參芪歸朮熟地如不應暫  
用十全大補湯飲食少思而不斂胃氣虛也去三味加參芪如  
不應暫用補中益氣湯飲食難化而不斂脾氣虛也去三味加

參朮如不應暫用六君子湯又不應佐以八味丸膿多而帶赤  
血虛也去三味加歸地參朮如不應暫用八珍湯加牡丹皮忿  
怒瞞熱而出血肝火血虛也去三味加牡丹皮熟地炒黑山梔  
如不應暫用八珍湯送六味丸面青脇脹而出血肝氣虛而不  
能藏血也去三味加山茱山藥五味子如不應兼六味丸食少  
體倦而出血脾氣虛而不能攝血也去三味加參芪歸地兼鬱  
結少寐更加遠志酸棗仁茯神龍眼肉如不應暫用歸脾湯欲  
嘔作嘔或外搽內服寒涼或痛甚或感寒邪穢氣而嘔胃氣虛  
也去三味加藿香參朮飲食少思腸鳴腹痛腹冷泄瀉脾氣虛  
寒也去三味加炮薑木香手足逆冷脾血虛寒也更加附子煎  
送四神丸飲冷作渴熱毒也加赤小豆知母如不應暫用竹葉  
黃芪湯善食作渴胃火也加石膏山梔如不應暫用竹葉石膏

湯膿多而作渴氣血虛也去三味加熟地黃五味子如不應暫  
用十全大補湯加五味子麥門冬口乾舌燥腎氣虛也去三味  
加熟地山茱山藥如不應兼六味丸又不應佐以補中益氣湯  
自汗內熱口乾胃氣虛也去三味加參茸歸朮如不應暫用六  
君子湯盜汗內熱口乾陰血虛也去三味加熟地麥門五味如  
不應暫用當歸六黃湯莖中痛而小便不利精內敗也去三味  
加山茱山藥澤瀉如不應佐以六味丸愈便則愈痛愈痛則愈  
便精復竭也去三味煎送六味丸食少體倦口乾飲熱小便黃  
短脾肺虛熱也去三味加五味子山茱萸如不應暫用六味丸  
勞役而小便黃元氣下陷也去三味加升麻柴胡汗後而小便  
黃短腎虛熱也去三味加升麻柴胡如不應煎送六味丸口燥  
作渴小便頻數腎水虧也去三味加五味山茱山藥熟地如不

應兼用六味丸四肢逆冷腎氣虛寒也去三味加桂附如不應  
佐以八味丸食少體倦作渴胃氣虛也去三味加參芪白朮如  
不應暫用補中益氣湯體倦頭痛或眩暈中氣虛也去三味加  
柴胡升麻如不應暫用補中益氣湯加蔓荊子日晡頭痛或眩  
暈陰血虛也去三味加熟地黃如不應佐以六味丸夢泄遺精  
頭暈頭痛或痰喘氣促腎虛不能納氣也去三味并川芎佐以  
六味丸如不應是虛寒也用八味丸面目赤色煩熱作渴脈大  
而虛血脫發躁也去三味加黃芪當歸如不應暫用當歸補血  
湯身熱惡衣欲投於水脈沉微細氣脫發躁也去三味加肉桂  
附子如不應暫用附子理中湯善思體痛無寐盜汗脾血虛也  
去三味加茯苓遠志酸棗仁圓眼肉如不應暫用歸脾湯寢寐  
而汗出腎氣虛也去三味加五味子煎送六味丸飲食而出汗

胃氣虛也去三味加參芪歸木五味子如不應暫用六君子湯  
睡覺飽而出盜汗宿食也去三味加參朮半夏如不應暫用六  
君子湯胸滿多痰脾氣虛也去三味加桔梗半夏如不應暫用  
六君子湯加桔梗枳殼瞀熱多痰脾血虛也去三味加歸地參  
朮如不應暫用六君子湯加芎歸熟地咳嗽唾痰腎虧津液泛  
上也去三味加山茱山藥熟地如不應佐以六味丸忿怒胸痞  
肝氣滯也去三味加桔梗山梔如不應暫用補中益氣湯加桔  
梗枳殼倦怠胸痞中氣虛也去三味加參朮茯苓如不應暫用  
八珍湯加柴胡口若寒熱往來肝火血虛也去三味加柴胡熟  
地因怒寒熱往來肝火血虛也加柴胡黃芩如不應暫用八珍  
湯加炒山梔炒酸棗仁酒炒黑膽草體倦寒熱往來肝脾氣滯  
也去三味加參芪歸朮如不應暫用補中益氣湯內熱瞀熱或



寒熱往來陰血虛也去三味加芎歸牡丹皮柴胡如不應暫用  
八珍湯加牡丹皮畏寒或寒熱往來胃氣虛也去三味加參苓  
白朮升麻如不應暫用補中益氣湯脇痛痞滿或寒熱往來肝  
氣滯也去三味加青皮朮香如不應屬氣血虛也更加芎歸參  
朮若婦人勞役恚怒或適經行發熱譫語或夜間熱甚在血分  
也去三味加生地丹皮柴胡如不應暫用加味四物湯若誤尅  
伐或膿血大泄或因吐瀉或誤而入房或勞損元氣或夢遺遺  
精或外邪乘入以致發熱頭痛小便淋瀝或滑數便血目赤煩  
喘氣短頭暈體倦熱渴意欲投水身熱惡衣揚手擲足腰背反  
張卽聲自汗此陽氣脫陷之假熱症也若畏寒頭痛咳逆嘔吐  
耳瞶目矇小便遺瀉利腸鳴裡急腹痛玉莖短縮齒浮痛肢  
體痲痺或厥冷身痛或咬舌嚙唇此陽氣脫陷之真寒症也凡

此危候勿論其脉勿問其症但見有其一二亦去三味急加桂  
附補之庶有復生之理大抵用藥之法當分元氣虛實標本緩  
急若病急而元氣實者先治其標病緩而元氣虛者先治其本  
若病急而元氣又虛者當治其本爲主而兼以治標東垣先生  
云形氣有餘病氣有餘當瀉不當補形氣不足病氣不足當補  
不當瀉丹溪先生云但見腫痛叅之脉症虛弱便與滋補氣血  
無虧可保終吉治者審焉



外科樞要卷之四

薛氏醫按

吳郡薛 巳著

新都吳 互有校

治瘡瘍各症附方

托裏消毒散 治胃氣虛弱或因尅伐不能潰散服之未成即

消已成即潰腐肉自去新肉自生若腐肉既潰而新肉不能

收斂屬氣虛者四君子湯為主屬血虛者四物湯為主氣血

俱虛者十全大補湯為主並忌寒涼消毒之劑

人參

黃芪鹽水拌炒

當歸酒拌

川芎

芍藥炒

白朮炒

茯苓各一錢

金銀花

白芷各七分

甘草炙分

連翹五分

右水煎服

托裏散 治瘡瘍因氣血虛不能起發腐潰收斂及惡寒發熱者宜用此補托其屬六淫七情或諸經錯雜之邪而為患者當各審其因而參以主治之劑其屬胃氣虛弱者當以大君子湯為主

人參

氣虛者多用之

黃芪

炒各二錢

白朮

炒

陳皮

當歸

熟地黃

自製

茯苓

芍藥

酒炒各二錢半

右水煎服

清熱消毒散

治一切癰疽陽症腫痛發熱作渴

黃連

炒

山梔

炒

連翹

當歸

各錢

川芎

芍藥

炒

生地黃

各錢半

金銀花

二錢

甘草

一錢

右水煎服

黃連消毒散 治腦疽背疽腫焮疼痛或麻木

黃連製

羌活各一分

黃芩

黃柏各五分

生地黃

知母製

獨活

防風

當歸尾

連翹各四分

藁本

防已

桔梗各五分

黃芪

蘇木

陳皮

澤瀉各二分

人參

甘草各三分

右水煎服

清涼飲 治瘡瘍煩躁飲冷焮痛脉實大便秘結小便赤澀

大黃炒

赤芍藥

當歸

甘草各二錢

右水煎服

破棺丹 治瘡瘍熱極汗多大渴便秘譫語發狂

大黃二兩五錢 半生半熟

芒硝

甘草各二兩

右爲末煉蜜丸如彈子大每服一丸童便酒化下白湯亦可

黃連解毒湯 治瘡瘍癩痛煩躁飲冷脉洪數或發狂言

黃芩

黃柏炒

黃連炒

山梔各一分

右水煎熱服

內疎黃連湯 治瘡瘍發熱而嘔大便秘結脉洪而實

黃連

芍藥

當歸

檳榔

木香

黃芩

梔子

薄荷

桔梗

甘草各一錢

連翹

大黃各一錢五分

每薑水煎仍量虛實治之

托裏榮衛湯 治瘡瘍外無癩腫內便調和乃邪在經絡此藥

黃芪

紅花各一錢

桂枝七分

蒼朮米泔浸炒

柴胡

連翹

羌活

防風

當歸身酒拌

甘草炙

黃芩

人參各一錢

右酒水煎服

內托復煎散 治瘡瘍腫焮在外其脉多浮邪氣勝必侵於內

宜用此托之

地骨皮

黃芩炒

茯苓

白芍藥炒

人參

黃芪鹽水炒

白朮炒

桂

甘草炙

防已酒炒

當歸酒拌各一錢 防風二錢

右先以蒼朮一升水五升煎去朮入藥再煎至二升終日飲

人參敗毒散 治瘡瘍焮痛寒熱或拘急頭痛脉細有力

人參

羌活

獨活

前胡

柴胡

桔梗

枳殼

茯苓

川芎

甘草各一錢

辛氏醫書 卷之四 三 九



右水煎服

仙方活命飲 治一切瘡瘍未成膿者內消已成膿者即潰又

止痛消毒之聖藥也

川山甲

蛤粉炒黃

白芷

防風

沒藥

甘草

赤芍藥

當歸尾

乳香

天花粉

貝母

各一錢

金銀花

陳皮

各三錢

皂角刺 一錢

右酒一碗煎數沸服

清心湯 治瘡瘍腫痛發熱飲冷脉沉實睡語不寧即防風通

聖散每料加黃連五錢每劑一兩水煎服

奪命丹 治疔瘡發背等症或麻木或嘔吐重者昏憤若疔毒

牙關緊急用三五丸為末水調灌下有奪命之功

蟾酥乾者酒化

輕粉各五分

枯白礬

寒水石根

銅絲

乳香

沒藥

麝香各一錢

硃砂三錢

蝸牛二十箇另研無亦効

右為末用蝸牛或酒糊丸菜豆大每服二三九温酒煎湯下

東垣聖愈湯 治脾胃虧損膿水不止或金瘡出血心煩不安

眠睡不寧五心煩熱飲食少思

地黃酒拌蒸半日

生地黄酒拌

川芎

人參各五分

當歸酒拌

黃芪

鹽水浸炒各一錢

右水煎服

濟陰湯 治瘡屬純陽腫痛發熱

連翹

山梔炒

黃芩炒

黃連炒各一錢

芍藥一錢五分

金銀花三錢

甘草一錢

牡丹皮一錢二分

右水煎服大便秘量加大黃

抑揚散 治瘡屬純陽腫痛發熱

天花粉兩三

薑黃

白芷

赤芍藥各一兩

右為末茶湯調搽患處

沖和湯 治瘡屬半陰半陽似潰非潰似腫非腫此因元氣虛

弱失於補托所致

人參二錢

黃芪

白朮

當歸

白芷各一錢半

茯苓

川芎

皂角刺炒

乳香

沒藥各一錢

金銀花一錢

陳皮二錢

甘草節一錢

右水酒各半煎服

陰陽散 治瘡屬半陰半陽

紫荊皮沙五兩 獨活去節炒一兩 赤芍藥炒二兩 白芷二兩

石菖蒲二兩

右為末葱酒調搽

回陽湯 治脾腎虛寒瘡屬純陰或藥損元氣不腫痛不腐潰

或腹痛泄瀉嘔吐厥逆或陽氣脫陷等症

乾薑炮 附子炮各二錢 人參 白朮

黃芪各三錢 當歸 陳皮 甘草炙各二錢

柴胡 升麻各五分

右酒水煎服不應薑附倍之

抑陰散 治瘡瘍元氣虛寒 焮腫不消或不潰斂或筋攣骨痛

一切冷症

草烏二兩 赤芍藥炒一兩 肉桂五錢 南星煨一兩

幸天醫安 小斗區要參 之四 五 大乙三

白芷 一兩

右為末葱湯調塗熱酒亦可

托裏溫中湯 治瘡瘍膿潰元氣虛寒或因越伐胃氣脫陷腸

鳴腹痛大便溇泄神思昏憤此寒變內陷緩則不治

羌活

附子炮去皮 乾薑炒三

益智

丁香

沉香

木香

茴香

陳皮

各一錢

甘草

錢

右薑水煎服

附子理中湯 治瘡瘍脾胃虛寒或誤行攻伐手足厥冷飲食

不入或腸鳴腹痛嘔逆吐瀉

附子

人參

白茯苓

白芍藥

各三錢

白朮

四錢

右水煎服

薑附湯 治瘡瘍真陽虧損或誤行汗下或膿血出多失於補

托以致上氣喘急自汗盜汗氣短頭暈

人參

附子

炮去皮臍一兩

乾薑

炮

白朮

各五錢

右作二劑水煎服

參附湯 治失血過多或膿瘀大泄或寒涼汗下真陽脫陷上

氣喘急自汗盜汗氣短頭暈等症急服以救元氣緩則不治

人參

附子

炮去皮臍各五錢

右薑五片水煎服不應倍之

獨參湯 治一切失血或膿水出多血氣俱虛惡寒發熱作渴

煩躁蓋血生於氣故血脫補氣陽生陰長之理也用人參二

兩棗十枚薑十片水煎徐徐服

人參理中湯 治瘡瘍脾胃虛寒嘔吐泄瀉飲食少思肚腹作  
脹或胸膈虛痞飲食不入

白朮

人參

乾薑

甘草

炙各等分

右薑棗水煎服

竹葉黃芪湯 治癰疽氣血虛胃火盛而作渴

淡竹葉錢二

黃芪

麥門

當歸

川芎

甘草

黃芩炒

芍藥

人參

半夏

石膏

煨各一錢

生地黃

二錢

右每服三五錢水煎服

竹葉石膏湯 治癰疽胃火盛腫痛作渴

淡竹葉

石膏

煨

桔梗

木通

薄荷

甘草

各一錢

右薑水煎服

當歸川芎散 治手足少陽經血虛瘡症或風熱耳內痒痛生

瘡出水或頭目不清寒熱少食或婦女經水不調胸膈不利

脇腹痞痛

當歸

川芎

柴胡

白朮

芍藥

山梔

牡丹皮

茯苓

蔓荊子

甘草

各五分

右水煎服

若肝氣不平寒熱加地骨皮肝氣實加柴胡黃芩氣血虛加

參芪歸地脾虛飲食少思加苓朮脾虛胸膈不利加參芪痰

滯胸膈不利加朮半肝氣不順胸膈不利或小腹痞滿或時

攻痛加青皮肝血不足胸膈不利或小腹痞滿或時作痛加



熟地肝血虛寒小腹時痛加肉桂日晡發熱加歸地

梔子清肝散

一名柴胡  
梔子散

治三焦及足少陽經風熱耳內作痒生

瘡或出水疼痛或胸乳間作痛或寒熱往來

柴胡

梔子

炒

牡丹皮

各一錢

茯苓

川芎

芍藥

當歸

牛蒡子

炒各七分

甘草 五分

右水煎服若六陽頭痛加羌活

柴胡清肝散 治鬢疽及肝膽三焦風熱怒火之症或項胸作

痛或瘡毒發熱

柴胡 一錢五分

黃芩

炒一錢

人參

一錢

山梔

炒一錢五分

川芎

一錢

連翹

桔梗

八分

甘草

五分

右水煎服

小柴胡湯 治肝膽經症風熱燥癰結核或腫痛色赤或寒熱

往來或日晡發熱或潮熱身熱默默不欲飲食或怒火口苦

耳聾咳嗽或吐酸食苦水皆用此藥

柴胡 二錢

黃芩 一錢

人參

半夏 各七分

甘草 炙五分

右薑水煎服

補陰八珍湯 治癰癩等瘡屬足三陰虛者

當歸

川芎

熟地

芍藥

人參

白朮

茯苓

甘草

黃柏 酒炒

知母 酒炒各七分

右水煎服

瀉青丸 治肝經實熱癰癩腫痛寒熱或脇乳作痛大便秘結

當歸

龍膽草酒炒

川芎

山梔

大黃炒

羌活

防風各等分

右為末蜜丸雞頭子大每服一二丸白湯化下

若血虛者四物加山梔柴胡或逍遙散若腎水虧損不能生

肝木而自病筋攣結核或肢節拳攣或似中風宜用六味丸

加五味子

散腫潰堅湯 治療癰堅硬氣血無虧宜用之

柴胡四分

升麻三分

龍膽草酒炒五分 連翹三分

黃芩酒炒四分

甘草炙二分

桔梗五分 昆布五分

當歸尾酒拌

白芍藥炒各三分 黃柏酒炒三分

知母酒炒五分

葛根

三棱酒拌微炒 廣木各三分

瓜蒌根五分

右水煎服

益氣養榮湯 治懷抱抑鬱或氣血損傷四肢頸項等處患腫

不問軟硬赤白腫痛或潰而不斂

人參

茯苓

陳皮

貝母

香附

當歸 酒井

川芎

黃芪 鹽水拌炒

熟地黃 酒拌

芍藥 炒各一錢

甘草 炙

桔梗 各五分

白朮 炒二錢

柴胡 六分

右薑水煎服

必效散 治癰癤氣血雖無虧損內有癰核未去而不能愈

南礪砂 二錢五分 輕粉 一錢

麝香 五分

巴豆 五箇去皮心膜

白棋椰 一箇

班猫 四十箇去頭翅同糯米炒

右同研極細末取雞子二箇去黃用清調藥仍入殼內以濕

紙數重糊口入飯甑候熟取出曝乾研末虛者每服半錢實

者一錢用炒生薑酒五更初調服如覺小腹痛用益元散一服其毒俱從小便出胎婦勿餌毒去後多服益氣養榮湯瘡口自合

針頭散 治一切頑瘡內有瘀肉癰核不化瘡口不合宜用此

藥腐之

赤石脂一錢

乳香

白丁香各三錢 砒一錢

黃丹一錢

輕粉

麝香各五分 蜈蚣一條

右為末搽瘀肉上其肉自腐若瘡口小或疔瘡用糊和作俱子陰乾經之凡瘡久不合者內有膿管須用此腐之內服托裏之劑

神仙隔蒜灸法 治一切癰疽腫毒前論言之詳矣凡大痛或

不痛或麻木痛者灸至不痛不痛灸至痛其毒隨火而散此

按引鬱毒從治之法也信有回生之功其法用大蒜頭切三分厚安瘡頭上用艾炷於蒜上灸之五炷換蒜再灸未成卽消已成殺其大勢瘡患大以蒜杵爛攤患處將艾鋪蒜上灸之蒜敗再換瘡色紫或白而不起發不作膿不大痛不問日期最宜多灸

神效葱熨法 治流注結核骨癰鶴膝等症腫硬或先以隔蒜灸而餘腫未消最宜用熨以助氣血而行壅滯其功甚大又爲跌撲傷損止痛散血消腫之良法用葱白頭搗爛炒熱熨熨患處冷再換

神效桑枝灸 治發背不起或瘀肉不潰此陽氣虛弱用桑枝燃火着吹熄焰用火灸患處片時日三五次以助腫潰若腐肉已去新肉生遲宜灸四畔其陰瘡癰癰流注賺瘡惡瘡久

不愈者亦宜用之大抵此法未潰則解熱毒止痛消癰腫  
已潰則補陽氣散餘毒生肌肉其陽症腫痛甚或重如負石  
初起用此法出毒水卽內消其日久者用之雖潰亦淺且無  
苦楚惜患者不知有此治者亦不肯用此也

烏金膏 治發背中央肉死塗之卽腐未死塗之卽生若初起  
腫痛用點數處其毒頓消若肉腐塗之卽潰若惡瘡頑瘡元  
氣無虧久不收斂者內有毒根以紙燃蘸絛其內有等發背  
因元氣虛弱或因剋伐元氣胃氣虧損毒氣散漫中黯外赤  
不腐不潰服大補之劑中塗三四寸許至五六日間赤黯之  
界自有裂紋如刀劃之狀中央漸潰漸脫須用純陽之藥以  
接其元氣庶能收斂若妄用刀針去肉出血陽隨陰散元氣  
愈傷或塗涼藥則毒氣不解氣血愈虛非徒無益而又害之

其方用巴豆一味去殼炒黑研如膏點于患處臨用合之已上三法雖不出於方書余推其意而製用之良有奇驗

砒法 治丹毒疔瘡紅絲走散或時毒瘀血壅盛用細磁器擊碎取有鋒芒者一塊以筋一根劈開頭尖夾之用線縛定兩手指輕撮筋梢令磁芒正對患處懸寸許再用筋一根頻擊筋頭令毒血遇刺皆出毒入腹膨脹者難治

豆豉餅

治瘡瘍腫痛硬而不潰及潰而不斂并一切頑瘡惡

瘡用江西豆豉餅爲末唾津和作餅子如錢大厚如三文置患處以艾壯於餅上灸之乾則易之如背瘡用漱口水調作餅覆患處以艾鋪餅上灸之如未成者卽消已成者亦殺其大毒如有不効氣血虛敗也

乳香定痛散

治一切瘡瘍潰爛疼痛



乳香

沒藥各五錢

滑石兩一

寒水石兩一

水片錢一

右為細末搽患處痛即止甚効

青龍湯 治肺受風寒咳嗽喘急

半夏

湯泡七次 二兩五錢

乾薑

炮

細辛

麻黃

去節

肉桂

芍藥

甘草

炙各 三兩

五味

二兩 拌炒

右每服五錢薑水煎服

葶塵大棗瀉肺湯

治肺症胸膈脹滿上氣喘急或身面浮腫

鼻塞聲重用甜葶塵炒黃色研末每服三錢棗十枚水二鍾

煎一鍾去棗入藥再煎七分食後服

桔梗湯

治肺症咳嗽胸膈兩脇作痛咽乾口燥煩悶作渴時

出臭濁

桔梗炒

貝母去心

當歸

酒浸

瓜蒌仁

枳殼麩炒

薏苡仁微炒

桑白皮炒

甘草節

防已去皮各一錢

黃芪鹽水拌炒

五味子搗炒

百合蒸各一錢五分

葶藶炒

地骨皮

知母炒

杏仁各五分

右薑水煎服

人參補肺湯 治肺症咳喘短氣或腎水不足虛火上炎痰涎

湧盛或吐膿血發熱作渴小便短澀

人參

黃芪

白朮

茯苓

陳皮

當歸各錢

山茱萸肉

山藥各二錢

五味子五分

麥門七分

甘草炙五分

熟地白製一錢半

牡丹皮八分

右薑棗水煎服

人參平肺散 治心火剋肺傳為疝痿咳嗽喘嘔痰涎壅盛胸

膈痞滿咽嗑不利若因肝木太過而致當補肺若因腎水不足而患當補脾肺若因心火旺而自病當利小便

人參

陳皮

甘草

地骨皮

茯苓

各二錢

知母

炒七分

五味子

炒四分

青皮

天門冬

去心各四分

桑白皮

炒一錢

右水煎服

參芪補脾湯

治肺疽脾氣虧損久咳吐膿涎或中滿不食必服此藥補脾土以生肺金石則不治

人參

白朮

各二錢

黃芪

二錢五分

茯苓

陳皮

當歸

各一錢

升麻

三分

麥門冬

七分

五味子

四分

桔梗

六分

甘草

炙五分

右薑棗水煎服

射于湯 治胃癰吐膿血

射于 去毛

山梔仁

赤茯苓

升麻 各一錢

赤芍藥 一錢五分 白木 五分

右水煎服

薏苡仁湯 治風熱唇口攣動或結核或浮腫

薏苡仁 炒

防已

赤小豆

甘草 炙各等分

右水煎服

瓜子仁湯 治產後惡露或經行瘀血作痛或作癰患

薏苡仁 四錢

桃仁 去皮

牡丹皮

瓜蒌仁 各一錢

右水煎服

梅仁湯 治腸癰壅痛大便秘澀

梅仁 九箇去皮尖

大黃 炒

牡丹皮

芒硝 各一錢

冬瓜仁 研三錢 犀角 鎊末一錢

右水煎八厘末服

大黃湯 治腸癰小腹堅腫按之則痛肉色如故或炊赤微腫

小便頻數汗出憎寒脉遲緊膿未成急服之

大黃 炒 朴硝 各一錢 牡丹皮 瓜蒌仁 炒

桃仁 去皮尖各二錢

右水煎服

牡丹皮散 治腸癰腹濡而痛時下膿

牡丹皮 人參 天麻 白茯苓

黃芪 炒 薏苡仁 桃仁 去皮尖

當歸 酒拌 川芎 各一錢 官桂 甘草 炙五分

木香 三分

右水煎服

失笑散 治跌撲產後心腹絞痛或不知人事或經行瘀血作

痛成癰

靈脂

蒲俱炒  
等分

右每服二三錢酒水煎服

防風湯 治破傷風表症未傳入裡急服此

防風

羌活

獨活

川芎  
各等分

右每服五錢水煎調蜈蚣散服

蜈蚣散

蜈蚣一對

鱉三錢  
煨

羌活湯 治破傷風在半表半裡間宜和解急服此湯稍緩則

邪入於裡不可用矣

羌活

菊花

麻黃

川芎

石膏

防風

前胡

黃芩

細辛

甘草

枳殼

白茯苓

蔓荊子

各一兩

薄荷

白芷

各五錢

右每服五錢薑水煎日二三服

大芎黃湯

治破傷風邪傳於裡舌強口噤項背反張筋惕搐搦痰涎壅盛宜急服之

搦痰涎壅盛宜急服之

川芎

羌活

黃芩

大芎

各一兩

右每服五七錢水煎服

白朮防風湯

治破傷風服表藥過多而自汗者

白朮

黃芪

各一兩

防風

二兩

右每服五七錢水煎服臟腑和而自汗者可服此藥若若臟

秘小便赤而自汗者急以大芎黃湯下之

六味丸

一名六味地黃丸

此壯水之劑夫人之生以腎為主凡病皆由

腎虛而致此方乃天一生水之劑無有不可用者世所罕知

若腎虛發熱作渴小便淋秘痰氣壅盛咳嗽吐血頭目眩暈

小便短少眼花耳聾咽喉燥痛口舌瘡裂齒不堅固腰腿痠

軟五臟齊損肝經不足之症尤當用之水能生本故也若腎

虛發熱自汗盜汗便血諸血失瘖水泛為痰之聖藥血虛發

熱之神劑也

熟地黃

用生者自製八兩

山茱萸

去核酒浸蒸

山藥

各四兩

牡丹皮

茯苓

去皮

澤瀉

各三兩蒸

右地黃杵膏餘為末蜜丸桐子大每服七八十九滾湯下

八味丸

治命門火衰不能生土以致脾土虛寒而患流注鶴



薛氏醫案 卷之四  
膝等症不能消潰收斂或飲食少思或食而不化臍腹疼痛  
夜多漩溺卽前方加肉桂附子各一兩經云益火之源以消  
陰翳卽此方也

加減八味丸 治症同上卽六味地黃丸加肉桂五味子各一兩

八珍湯 治脾胃傷損惡寒發熱煩躁作渴或瘡瘍潰後氣血

虧損膿水清稀久不能愈卽四君四物合方

十全大補湯 治瘡瘍氣血虛弱腫痛不愈或潰瘍膿清寒熱

自汗盜汗食少體倦發熱作渴頭痛眩暈似中風狀卽八珍

湯加黃芪肉桂

補中益氣湯 治元氣虛損或因剋伐惡寒發熱肢體倦怠飲

食少思或不能起發消散生肌收斂或兼飲食勞倦頭痛身

熱發躁作渴脉洪大弦虛或微細軟弱

黃芪

人參

白朮

甘草 炙各一錢五分

當歸 一錢

陳皮 五分

升麻

柴胡 各三分

右薑棗水煎空心午前服

生脉散

治胃氣虧損陰火上衝口乾喘促或肢體倦怠肌肉

消瘦面色痿黃汲汲短氣汗出不止食少作渴或膿水出多

氣血俱虛煩躁不安睡臥不寧或濕熱大行火土合病脾胃

虛弱身重氣短或金為火制絕寒水生化之源肢體痿軟脚

欬眼黑等症

人參 五錢

麥門冬 二錢

五味子 一錢

右水煎服如不應倍之

人參養榮湯

治脾胃虧損氣血俱虛發熱惡寒四肢倦怠肌

消瘦面色痿黃汲汲短氣食少作渴凡大病後最宜用此

白芍藥

一錢半炒 人參

陳皮

黃芪 蜜炙

桂心

當歸

白木

甘草 炙各一錢

熟地黃

五味子 炒

茯苓 各七分半

遠志 五分

右薑棗水煎服

四君子湯

治脾胃虛弱或因剋伐腫痛不散潰斂不能宜用

此以補脾胃諸症自愈若誤用攻毒七惡隨至脾胃虛弱飲

食少思或食而難化或欲作嘔或大便不實若脾胃氣虛瘡

口出血吐血便血尤宜用之蓋氣能攝血故也凡氣血俱虛

之症宜于前湯但加當歸脾胃既旺飲食自進陰血自生若

用四物湯沉陰之劑脾胃復傷諸症蜂起若命門火衰而脾

土虛寒必用八味丸以補土母

人參

白朮

茯苓 各二錢

甘草 炙一錢

右薑棗水煎服

六君子湯 治脾胃虛弱或寒涼剋 伐腫痛不消或不潰歛宜

服此湯以壯營氣諸症自愈即前方加陳皮半夏

異功散 治脾胃虛弱飲食少思即 四君子湯加陳皮

四物湯 治血虛發熱或因失血或 因剋伐或因潰後致晡熱

內熱煩躁不安皆宜服之經云血 生於脾若脾虛不能生血

者宜用四君子加當歸酒炒白朮 以補脾

當歸

熟地黃

各三錢

芍藥

二錢

川芎

一錢五分

右水煎服

歸脾湯 治憂思傷脾血虛發熱食少體倦或脾不能攝血以

致妄行吐下或健忘怔忡驚悸少寐或心脾作痛自汗盜汗

或肢體腫痛大便不調或婦人經候不准晡熱內熱或唇瘡

流注等症不能消散潰歛

白朮

白茯苓

黃芪炒

當歸

龍眼肉

遠志

酸棗仁

炒各二錢

木香

五分

甘草炙三分

人參一錢

右薑棗水煎服

當歸補血湯

治脾胃損傷或服峻劑致血氣俱虛肌熱大渴

引飲目赤面紅晝夜不息其脉洪大而虛重按全無此病多得於飢飽勞役者若誤服白虎湯必死

當歸三錢

黃芪兩一

右水煎服

六一湯

黃芪炙六錢

甘草炙一錢

右水煎服

加味逍遙散

治肝脾血虛內熱發熱或遍身搔痒寒熱或肢

體作痛頭目昏重或怔忡頰赤口燥咽乾或發熱盜汗食少

不寐或口舌生瘡耳內作痛或胸乳腹脹小便不利

甘草炙

當歸

芍藥酒炒

茯苓

白朮炒

柴胡各一錢

牡丹皮

山梔炒各七分

右水煎服

黃芩清肺湯

治肺經陰虛火燥而小便不通若因脾經有熱

當清其脾若因心火剋肺當制其心

黃芩一錢

梔子三箇打碎

右水煎服

滋腎丸

治腎經陰虛發熱作渴便赤足熱腿軟等症凡不渴

而小便秘熱在下焦血分也最宜此藥經云無陰則陽無以化若脾肺燥熱所遺當滋其化源

知母

黃柏 各酒炒 肉桂 二錢

右為末水丸桐子大每服百丸空心白滾湯下

五苓散 治下部濕熱瘡毒小便赤少

澤瀉

猪苓

肉桂

白朮

赤茯苓 各等分

右為細末每服一二錢熱湯調下

犀角地黃湯 治胃火血熱妄行吐衄或大便下血者

犀角 銹末

生地黃

赤芍藥

牡丹皮 各一錢半

升麻

黃芩 炒各一錢

右水煎熟入犀末服

若因怒而致加山梔柴胡若脾氣虛而不能攝用歸脾湯若  
肝脾火動而妄行用加味逍遙散若脾氣虛而不能統用補  
中益氣湯加炮黑乾薑若血虛有火而妄行用四物加炮薑  
若腎經虛火而血妄行用六味丸料不應急加肉桂以引虛  
火歸源

清胃散 治膏粱積熱唇口腫痛 齒齲潰爛熈痛連頭面或

惡寒發熱

升麻 二錢

生地黄

牡丹皮

黃連

當歸 酒洗各一錢

右水煎服痛未止石膏之類可量加

潤腸丸 治脾胃伏火大腸乾燥或風熱血結宜用此丸通之

若結在直腸宜豬膽汁導之蓋腎主五液開竅於二陰若津



液滋潤大便通調若津液不足脾氣虧損必當培補猶忌前

麻子仁 桃仁去皮尖各一兩 羌活 歸尾

大黃 煨 阜角刺 秦芫 名五錢

右各另研為末煉蜜或猪膽汁丸桐子大每服三四十九白

湯下若用猪膽汁導之而不結燥急補元氣

四神丸 治脾腎虛弱大便不實飲食少思或小腹作痛

後泄瀉肚腹作痛不思飲食

肉豆蔻 五味子 各兩 補骨脂 四兩 吳茱萸 浸炒一兩

右為末水二碗生薑八兩紅棗一百枚煮熟取棗肉和末丸

桐子大每服五七十九空食前白湯下

三神丸 治脾腎虛寒不思飲食或侵晨五更泄瀉或飲食少

思大便不實其功甚効如不應乃命門火衰急用八味丸補

火而生土

破故紙四兩

肉豆蔻二兩

右為末用大紅棗四十枚生薑四兩水煮熟去薑取棗肉和

藥丸桐子大每服五十九空心鹽湯送下

越鞠丸 治六鬱牙齒作痛口舌生瘡或胸膈痞滿嘔吐吞酸

或腹脹腿酸等症

蒼朮炒

神麴炒

香附

山查

山梔炒

撫芎

麥牙炒各等分

右為末水調麩麩糊丸桐子每服七十九白湯下

二陳湯 治脾虛中脘停痰嘔吐惡心或頭目不清飲食少思

等症

陳皮

半夏

茯苓各一錢

甘草炙五

右薑水煎

錢氏白朮散

治胃氣虛或因剋伐或因吐瀉口乾作渴飲食

少思

藿香

白朮炒

木香

白茯苓

甘草炒

人參各一錢

乾荔二錢

右水煎服

生地黃丸 治師尼寡婦室女乍寒乍熱而患瘡瘍等症肝脉

弦長而出魚際

生地黃

一兩酒拌杵膏

秦艽

黃芩

硬柴胡

各五錢

赤芍藥

一兩

右為末入地黃膏加煉蜜少許丸桐子大每服三十丸烏梅

煎湯下日進二服

加味地黃丸 治肝腎陰虛瘡症或耳內痒痛出水或眼昏痰

氣喘嗽或作渴發熱小便赤澀等症

乾山藥

山茱萸

牡丹皮

澤瀉

白茯苓

熟地黃

柴胡

五味

各另爲末等分

右將二地黃搗碎酒拌濕杵膏入前末和勻加煉蜜爲丸桐子大每服百丸空心白湯送下不應加減八味丸

琥珀膏 治頸項癰癧及脇下初如梅子腫結硬強漸如連珠

不消不潰或潰而膿水不絕經久不瘡漸成漏症

琥珀 一兩

木通

桂心

當歸

白芷

防風

松脂

硃砂 研

木鱉子

內各五錢

麻油 二斤

丁香

木香

各二錢

右先用琥珀丁香桂心硃砂木香爲末其餘藥入油內煎黑

瀉去粗徐徐入黃丹再煎軟硬得中即成膏矣

人參黃芪湯 治潰瘍飲食少思無睡發熱

人參 麥門冬 陳皮 白朮

蒼朮 各五分 黃芪 一錢 黃柏 炒四分 升麻

歸身 各五分

右水煎服

托裏當歸湯 治潰瘍氣血俱虛瘡口不斂或哺熱內熱寒熱

往來或婦人諸瘡經候不調小便頻數大便不實等症

當歸 黃芪 人參 熟地黃

川芎 芍藥 各一錢 柴胡 甘草 各五分

右水煎服

人參內托散 治瘡瘍潰膿而作痛者

人參

黃芪

當歸

川芎

厚朴

防風

白芷

桔梗

官桂

紫草

木香

甘草

右入糯米一撮水煎服

藿香正氣散 治外感風寒內停飲食頭眩寒熱或霍亂泄瀉

或作瘧疾等症

桔梗

大腹皮

紫蘇

茯苓

白芷

半夏

陳皮

白朮

厚朴

各一錢

炙甘草

五分

藿香

一錢五分

右薑棗水煎服

升陽除濕湯 治脾胃虛弱不思飲食腸鳴腹痛泄瀉無度小

便赤黃四肢困倦

甘草

麥芽

陳皮

猪苓 各三分

澤瀉

益智仁

半夏

防風

神麩

升麻

柴胡

羌活 各五分

蒼朮 一錢

白朮 三錢

茯苓 七分

右薑棗水煎服

十宣散 治瘡瘍脉緩澀體倦惡寒或脉浮緊細用之以散風

助陽氣也

人參

當歸

黃芪

桔梗

炙草

白芷

川芎 各一錢

厚朴

防風

肉桂 各五分

右水煎服

參朮膏 治中氣虛弱諸藥不應或因用藥失宜耗傷元氣虛

症蜂起但用此藥補其中氣諸症自愈

人參各等分 白朮各等分

右水煎稠湯化服之

清燥湯 治元氣虛弱濕熱乘之肢體痠軟或頭目眩暈飲食

少思口乾作渴或自汗盜汗胸滿氣促小便赤少大便不調

等症

黃芪一錢五分

五味子九粒

黃連二分

蒼朮

白朮

麥門冬

生地黃

陳皮

澤瀉各五分

茯苓

人參去蘆

當歸酒洗

升麻各三分

神麴炒

猪苓

柴胡

炙草各二分

黃柏酒炒三分

右水煎服



補真丸 治真陰虧損諸症

肉蓯蓉 酒浸 焙乾 葫蘆芭 炒

附子

陽起石 煨

五味子 洗淨 酒浸

兔絲子 洗淨 酒浸

川鳥

沉香 酒浸

鹿茸 炒 酒浸

巴戟天 去心

鐘乳粉 各一兩半

右為未用羊腰子兩對治如食法酒煮搗爛入酒糊丸如梧

桐子每服七十丸空心米飲鹽湯任下

托裏健中湯 治瘡瘍元氣素虛或因涼藥傷胃飲食少思或

作嘔瀉等症

人參 白朮

茯苓 各二錢

半夏

炮薑 各一錢

炙草 五分

黃芪 一錢五分

肉桂 三分

右薑棗水煎服

裏益中湯 治中氣虛弱飲食少思或瘡不消散或潰而斂

人參

白木

陳皮

半夏

茯苓

炮薑

木香

炙草

各五分

右薑棗水煎服

托裏抑青湯

治脾土虛弱肝木所侮以致飲食少思或胸膈

不利等症

人參

白木

茯苓

半夏

各一分

芍藥

柴胡

陳皮

甘草

各五分

右薑棗水煎服

托裏清中湯

治脾胃虛弱痰氣不清飲食少思等症

人參

白木

陳皮

茯苓

各一分

半夏

桔梗

甘草

各五分

右薑棗水煎服

幸氏及百安

小斗區要終之可

百

吳百

托裏益黃湯 治脾土虛寒水反侮土以致飲食少思或嘔吐

泄瀉等症

人參

白朮

陳皮

茯苓

半夏

各一兩

炮薑

丁香

炙草

各五分

右薑棗水煎服

托裏越鞠湯

治六鬱所傷脾胃虛弱飲食少思等症

人參

白朮

各一錢

陳皮

半夏

各一錢

山梔

川芎

香附

蒼朮

各七分

炙草

五分

右薑棗水煎服

乳香止痛散

治瘡癰不止

粟殼

三錢

白芷

一錢五分

炙草

陳皮

各一錢

乳香 五分

沒藥 五分

丁香 三分

石作二劑水煎服

濟生犀角地黃湯 治鬱熱不解衄血便血等症

犀角

生地

曰芍藥

牡丹皮 各等分

右每五七錢水煎服加減全上亦治便血

痔瘡方

雄黃 五分 細研

五靈脂 去石燒 過斷烟

五倍子 泡過各一錢

沒藥 二錢半 明淨者

白礬 半飛 半生

右為細末研極細用紙花子貼瘡口上

猪蹄湯

香白芷

黃芩

赤芍藥

生甘草

當歸

羌活

露蜂房 取有蜂

右先將猪蹄彎一隻用水數碗煮熟取清汁分作十數次每次用前藥一兩煎十數沸去滓無風處淋洗死肉惡隨洗而下極効

神効瓜蔓散 治乳癰初起者自消膿成者自潰及一切癰疽或潰後餘毒亦宜用之

黃瓜蔓 一

戎

當歸 五錢

生甘草

五錢 乳香

沒藥 各五

右用水酒煎服

清肝解鬱湯 治肝經血虛風熱或肝經鬱火傷血乳內結核或為腫潰不愈凡肝膽經血氣不和之症皆宜用此藥

人參 一錢

柴胡 八分

白木

一錢五分

牡丹皮

八錢

茯苓 一錢

陳皮 八分

甘草

五分

當歸

一錢五分

貝母 一錢

川芎 八分

山梔

炒

芍藥

炒

熟地黃 各一錢

右水煎服

清肝益榮湯 治肝膽小腸經 風熱血燥筋攣結核或耳項胸

乳脇肋作痛或作瘕子并一切肝火之症

山梔

當歸

木瓜

不犯錢器

茯苓

各一錢

柴胡

川芎

芍藥

炒令七分

龍膽草

八分

白朮

二錢

熟地

一錢五分

炙草

五分

左薑水煎服

益元散

滑石

六兩

甘草

一兩

右為末每服一錢酒調下

神効開結散

治癭疾不問年歲極驗

沉香

木香

橘紅四兩

猪厭肉子生於豚猪項下

珍珠

四十九粒砂鍋內泥封口煨過絲一枚如棗大取四十九

右為末每服一錢臨臥冷酒調搽徐徐嚥下輕者三五服重

者一料全愈修合用除日效忌鹹酸油膩瀆氣等物

海藻散堅丸

治肝經癭瘤

海藻

昆布各一兩

小麥

四兩醋煮炒乾

龍膽草

二兩

右為末煉蜜丸桐子大每服二三十丸臨臥白湯下并噉

化嚥之

普濟消毒飲 治天行時毒頭面腫痛或咽喉不利若饑饉之

後患之最宜用仍當固胃氣

黃芩

連翹各五錢

人參

三錢

陳皮

玄參

甘草

柴胡

桔梗

各一錢

白牛蒡子

馬勃七分

板藍草根七分

白殭蠶

升麻各五分

右水煎服大便秘量加大黃

通氣散 治時毒腫甚取嚏以泄其毒

玄參一錢五分 猪牙皂角 川芎各二錢

藜蘆五分

羊躑躅花二錢五分

右為末用紙燃蘸少許入鼻內取嚏為度

防風通聖散 治時毒熱毒便秘熱燥若時毒饑饉之後胃氣

虧損者須當審察非大滿大實不用

防風 當歸 川芎 芍藥

大黃 芒硝 連翹 薄荷

麻黃 桔梗 石膏 黃芩各一兩



白朮

山梔

荊芥

各一錢五分

甘草

二兩

滑石 一兩

右水煎服或為末白湯調下仍量人虛實

葛根牛蒡湯

治時毒腫痛而便利調和者

葛根

官仲 甘草

又名國老

豆豉

牛蒡

牛生半炒各一錢

右水煎服

犀角升麻湯

治時毒或風熱頭面腫痛或咽喉不利或風熱

髮疽疔瘰等症

犀角

升麻

防風

羌活

各一錢

白芷

黃芩

白附子

各五分

國老

六分

右水煎服

白芷胃風湯

治手足陽明經氣虛風熱面目麻木或牙關緊

急眼目瞶動

白芷 二錢五分

升麻 二錢五分

葛根

蒼朮 米泔炒各八分

炙草

當歸 各一錢五分

草豆蔻

柴胡

黃柏 炒

藁本

羌活 各四分

蔓荊子 五分

白殭蠶 三分

麻黃 去節七分

右水煎服

升麻黃連湯

治胃經熱毒腮瘡作痛或發寒熱

升麻

川芎

當歸 各錢半

連翹

黃連

牛蒡子

白芷 各一錢

右水煎服 燉連大陽加羌活連耳後加山梔柴胡

梔子仁湯

治時毒痲痛大便秘結

鬱金

枳殼

升麻

山梔 炒各一錢

右水煎服

雙解散 治便澀內蘊熱毒外挾風邪或交感失宜精血交錯

以致痲痛大小便秘結先用此藥通解更用調補之劑

辣桂

大黃

白芍藥

澤瀉

牽牛粉炒

桃仁

乾薑

各五分

右水煎服

製甘草法 治懸癰不拘腫潰

右每用大甘草一兩切五寸許用澗水一碗浸透以慢火炙

乾仍投前水浸透再炙至水乾為度却挫細用水二鍾煎八

分空心服

大蘆薈丸

一名九味 蘆薈丸

治肝火下疳潰爛或作痛焮腫或治小

兒疳膨食積口臭生瘡牙齦蝕爛等瘡并蟲蝕肛門疼痛

胡黃連

蘆薈

黃連

木香

白蕪荑

青皮

白雷丸

鶴風草

各一兩

麝香 一錢

右為末蒸餅糊丸桐子大每服一錢空心米湯下

八正散 治下疳便毒小便淋漓脉症俱實者

大黃

車前子

瞿麥

扁蓄

山梔

木通 各二錢

滑石 二兩

甘草 一錢

右水煎服

內托羌活湯

治臀癰腫痛兩尺脉緊按之無力者

羌活

黃柏 各一錢

防風

藁本

肉桂

連翹

炙草

蒼朮

陳皮

黃芪 各一錢五分

右水酒煎服

大防風湯 治足三陰經虧損外邪乘虛患鶴膝風或附骨疽

腫痛或腫而不痛不問已潰未潰用三五劑後更用調補之劑

附子

牛膝各一錢

白朮

羌活

人參

防風各三錢

川芎一錢五分

辣桂

黃芪

白芍藥

杜仲

熟地

甘草各五分

右水煎服

加味龍膽瀉肝湯 治肝經濕熱或囊癰便毒下疳懸癰腫炊

作痛小便澹滯或婦人陰瘡痒痛或男子陰挺腫脹或出水

龍膽草

澤瀉各一錢

車前子

生地黃

木通

當歸尾

山梔

枯黃芩

炙甘草 各五分

右水煎服

清心蓮心丸

治膀胱氣虛濕熱玉莖腫痛或莖竅瀹滯口苦

咽乾小便色赤或白濁夜安靜而晝發熱

黃芩

麥門冬

地骨皮

車前子

炙甘草 各錢半

石蓮肉

白茯苓

黃芪

柴胡

人參 各一錢

右水煎服

五淋散

治膀胱有熱水道不通或尿如豆汁或如砂石或如

膏汁或熱沸便血

赤茯苓 錢半

赤芍藥

山梔 各二錢

當歸

甘草 各一錢五分

碎天醫安

小斗區更卷之四

平

具百十八

右用燈心二十根水煎服

清肺飲 治渴而小便不利乃肺經有熱是絕寒水生化之源

宜用此藥以清化源其水自生而便自利矣

茯苓 二錢

猪苓 三錢

澤瀉 五分

琥珀 五分

燈心 分

木通 七分

通草 六分

車前子 一錢

藿麥 五分

扁蓄 七分

右為細末每服五錢水煎服

腎氣丸 治腎經陽虛陰無所化以致膀胱淋漓或脾肺氣虛

不能通調水無所化而膀胱癢閉或腎氣虛熱于於厥陰之

絡陰挺痿痺而渴頻數或腎水虛弱陰虧難降使津液敗濁

而為痰水又治腎虛便血及諸見血發熱自汗盜汗等症之

聖藥也即六味丸方見前

遠少丹 治足三陰經虛損患膝風等症又補脾腎進飲食之  
良劑也

肉蓯蓉 去甲酒浸

遠志

去心甘草湯泡去骨

茴香 炒

巴戟

去心

枸杞子

山藥

牛膝

熟地黃

爲膏

石菖蒲

杜仲

五味子

白茯苓

楮實子

山茱萸

各等分

右爲末用紅棗肉同蜜爲丸桐子大每服七十九溫酒送下  
每日三服白湯送下

不換金正氣散

治脾氣虛弱寒邪相搏痰停胸膈寒熱少食

厚朴

藿香

半夏

蒼朮

陳皮

甘草

各等分

右薑棗水煎服



槐花散 治腸風濕毒下血

槐花

青皮 各六分

當歸 一錢

荆芥

熟地黃

白朮 各六分

川芎 四分

升麻 二錢

右水煎服

四生散 治癩腿瘡淫不愈或目昏花名腎臟風并治風癬疥

癩血風瘡症

白附子 真者生用 黃芪

獨活

蒺藜 各等分

右為末每服二錢用猪腰子一枚批開入藥濕紙包裹煨熟空心連腰子細嚼鹽湯送下

消風散 一名人參消風散

治風熱癢疥搔痒發熱或頭皮腫痒頭目

昏眩鼻流清水嚏噴聲重耳作蟬鳴

荆芥穗

炙草

人參

白殭蠶

白茯苓

防風

芎藭

藿香

蟬蛻各二兩

陳皮

厚朴姜製

羌活各五分

右為末每服三錢茶清調下瘡癰溫酒下

升麻和氣飲 治風癰瘡疥熱結大便不通

當歸

陳皮各一錢半

芍藥酒炒

枳殼炒各八分

半夏姜製

蒼朮米泔浸炒

桔梗炒黃

白芷浸軟切片

白茯苓

炙草各錢

乾薑炮黑

大黃各五分

升麻三分

右水煎服

換肌消毒散 治時瘡未拘初起滑爛

土茯苓五錢

當歸酒洗

白芷

皂角刺

薏苡仁各二錢

白蘚皮

木瓜不犯鐵器

木通

金銀花

各七

茅草

五分

春水煎服

九味羌活湯

治風熱鬱邊瘡癩作痛或遍身作痛或拘急不

利又治頭痛惡寒脊強脉浮緊又治非冬時天有暴寒人中

之頭痛寒熱宜用此以代麻黃湯此神藥也

羌活

防風

蒼朮

各錢半

川芎

白芷

生地

黃芩

各錢半

細辛

甘草

各一錢

右水煎服衣覆之取微汗濕司天加蒼朮天淫兩亦加如湯

加石膏三錢知母一錢不渴不加

加味羌活散

即前湯加金銀花連翹

當歸飲子

治風濕所傷以致瘡疥等症

當歸 黃芪 芍藥 荆芥穗

防風 蒺藜 何首烏 生地黃

川芎 甘草 等分

右水煎服

黑丸子 一名和血 定痛散 治跌撲墜隨筋骨疼痛或瘀血壅腫或外

感風寒肢體作痛若流注膝風初結服之自消若潰後氣虛

而發熱與補劑兼服自斂

百草霜 白芍藥 各一兩 赤小豆 一兩 川烏 炮三錢

白斂 一兩 白芨 當歸 各八錢 南星 炮三錢

牛膝 焙六錢 補骨脂 焙八錢

右各別為末酒糊丸桐子大每服三十九鹽湯温酒任下于

婦不可服

大乙膏 治一切瘡瘍並宜貼之若元氣無虧用隔蒜灸更服

活命飲以收全功

玄參 白芷 當歸 肉桂

大黃 赤芍藥 生地黄各一兩

右用麻油二斤入銅鍋內煎至黑濾去粗入黃丹十二兩再煎水中捻軟硬得中即成膏矣

藜蘆膏 治一切瘡疽肉突出不問大小長短用藜蘆一味

為末以生豬脂和研如膏塗患處周日易之

治便血括云四兩臭菜四兩連一同鍋炒不同研糞前紅用

菜調酒糞後紅用酒調連元氣虧損者當以補藥加之方効

二味用熱湯拌濕頓滾湯中半日藥氣相和炒將焦各揀出

聽用甚妙即製菜黃連法也

黃礬丸 治金石發疽及一切瘡疽解毒止痛

明白礬 一兩

黃蠟 五錢

右鎔蠟和礬末急和勻衆手丸桐子大每服十九丸漸漸加二十丸滾湯下如服金石發疽別用白礬末一兩作三五服溫酒調下有人遍身生瘡狀如蛇頭服之卽効此藥能解毒氣內攻須多服有効治蛇毒咬鎔滴傷處痛止毒出仍服兩許當歸膏 治發背癰疽湯火等症去腐肉生新肉其肉未壞者用之自愈肉已死而用之自潰新肉易生搽至肉色漸白其毒始盡生肌最速其外肉燉乾爬連好肉作痛用之卽愈亦不結痂又免被揭之痛殊有神効蓋黃蠟主生肌止痛補血續筋性味甘溫非偏勝毒藥故與新肉相宜此方余已刊行近之治者亦多用之

川當歸一兩

麻油真正者 四兩

淮慶生地一兩

黃蠟一兩如仁

止用五錢虫

右先用當歸地黃入油煎黑去粗入蠟鎔化候温攪勻即成膏矣用塗患處將紙蓋之發背癰疽湯火等症潰爛用之尤妙凡死肉潰爛已盡好肉有些須尚連宜用利刀剪之蓋死肉有毒去遲則傷新矣如洗拭換膏必須預備即貼之若死肉去盡尤宜速貼然新肉畏風尤甚不可忽也其肉未盡

蠲痺消毒散

治時瘡肢節筋攣

薑黃

土茯苓

獨活

白朮

當歸

各一錢五分

赤芍藥

一錢

白芷

五分

水煎服

76